

ምግብ ተብረት አንፋር 37ይት ደውረት ክድመት ወጠን



ናይ 11 ፊልል ድራሰቶም ታብዮ ለተባዎ ደረሰ አቅሊም ምግብ ናይ 12 ፊልል ድራሰቶም እግል ለአትም ወእት 37ይት ደውረት ክድመቶም እግል ለአትም ሳወ ትከረው።

እሎም እብ መረብቶም እንዲ ተለው ማሌ የም 30 ዩልዮ ሳወ ለትከረው ደረሰ ምን 15 መዳርስ ለትፋገረው 4,612 ዲብ ገብእ 59% ምኖም አንሳት ተን።

ደረሰ እተ ሀበዎ ረአይ እት ታዕሊም ወዋጅቦም መሰል ሰኔት

እግል ልግበእ ወፍገሪት ሰኔት እግል ልሰጅሎ ለቦምቱ መዳለይ አከደው።

እት 2ይት ደርበት ህዩ 53% አንሳት ለብእቶም 4,385 ደረሰ 7 መድረሰት ህዩ ለትመጽእ ሰምበት ንኢሸ 3 አጎስት እግል ልትባገሎቶም።

ደረሰ 11 ፊልል አቃሊም ግ/ባ/ቀ፣ ጋሽ-በርከ፣ ግብለት፣ ቅ/ባ/ቀ ወወንሰበ ቀደምም ክምሰል ትከረው ልትአመር።

ተእሂል ሐርስ እግል አንፋር ክድመት ወጠን ልትሀዩብ



እት አቅሊም ግብለት፣ እብ መዓወን ወብረት ሐርስ ወእዳሪት አቅሊም ግብለት መደት ሐቲ ሰነት ምህነት ሐርስ ደርሰ ለጸንሐዩ 347 አንፋር 34 ወ35 ደውረት ክድመት ወጠን ዲብ የም 26 ጁላይ ትደሐረዩ።

እተ ዓደትለ መድሐራት መመቅርሓይላ በራምጅ- መዲር ዓም ቅሰም እዳሪት ወማልየት አቅሊም ምግብ ግብለት አሰይድ ተክኤ ተወልዶ፣ ለዲብ መዲነት መንደራፊ ለደርሰዩ፣ እግል እምትሓን ሸሃይት ካልአይት ደረጀት (ማትሪክ) እግል ልትዳለዩ ለሰድዮን ምህር፣ ወመጃላት ርዝቅ ንዋይ፣ ዐማር ብቅል፣ ሕፍዘት ማይ ወትርበት ወአብሳር አዳለዮት ባዮ -ጋዝ ለትከምክም ምህናት ክም ደርሰዩ ሐበረ።

ለተእሂል ፡ እብ መዓወነት ክለን ዲብ አቅሊም ለሸቅዩ መአሰሳት ሕኩመት ዕውት ክም ዐለ ለሐበረ አሰይድ ተክኤ፣ ለትደሐረዩ፣ ዲብ ልሰርገል በራምጅት ዐማር ደረን እግል ልቀድመ ዲብለ ትፈናተ ንቃዋ ሐርስ እንዲ ትዩመመዩ ክም ሸቅዩ ሸርሐ።

ወከለትለ ትደሐረዩ እብ ጀህተ፣ ማርሐት ወመደርሰን ሐቆ ሐመደት፣ ዲብ ልትፈረ እቲ ጀማላት ምህመን እግል ለአትም መ ዱልዮት ክምተን አከደዩ።

ወዘር ሐርስ አሰይድ አረፋይኔ በርሄ ህዩ፣ በቃዕ ትምህነት - ምን ትነሰኡ ምህነት፣ ዲብ አካን ሸቅል እብ ፍዕል ወመባደረት ወመትሰባል ክም ትጠወር እንዲ ፈሀመዩ፣ ምሰለ ተጃርብ ወቅድረት ለቦም ሰብ መቅደረት ሐርስ ወሐረሰቶት እት ልትዓወነ፣ መናበረት ሐረሰቶት እግል ትሰኔ እግል ልክደመ ተሐሰበ።

ሓክም አቅሊም ግብለት አሰይድ ሃብተአብ ተሰፋጽዮን እብ ጀህተ፣ ለደርሰዩ እተይ ሐርስ እግል ልዕቤ ዲብ ገብእ ጅህድ ደረን እግል ልቀድመ ትላከ።

እተ መናሰበት፣ ፍገሪት ሰኔት ለሰጃለዩ ጀኢዘት ፍንቲት ትሀዩበዩ።

እት አቅሊም ግብለት፣ እብ መዓወን ወብረት ሐርስ ወእዳሪት አቅሊም ግብለት መደት ሐቲ ሰነት ምህነት ሐርስ ደርሰ ለጸንሐዩ 347 አንፋር 34 ወ35 ደውረት ክድመት ወጠን ዲብ የም 26 ጁላይ ትደሐረዩ።

እተ ዓደትለ መድሐራት መመቅርሓይላ በራምጅ- መዲር ዓም ቅሰም እዳሪት ወማልየት አቅሊም ምግብ ግብለት አሰይድ ተክኤ ተወልዶ፣ ለዲብ መዲነት መንደራፊ ለደርሰዩ፣ እግል እምትሓን ሸሃይት ካልአይት ደረጀት (ማትሪክ) እግል ልትዳለዩ ለሰድዮን ምህር፣ ወመጃላት ርዝቅ ንዋይ፣ ዐማር ብቅል፣ ሕፍዘት ማይ ወትርበት ወአብሳር አዳለዮት ባዮ -ጋዝ ለትከምክም ምህናት ክም ደርሰዩ ሐበረ።

ለተእሂል ፡ እብ መዓወነት ክለን ዲብ አቅሊም ለሸቅዩ መአሰሳት ሕኩመት ዕውት ክም ዐለ ለሐበረ አሰይድ ተክኤ፣ ለትደሐረዩ፣ ዲብ ልሰርገል በራምጅት ዐማር ደረን እግል ልቀድመ ዲብለ ትፈናተ ንቃዋ ሐርስ እንዲ ትዩመመዩ ክም ሸቅዩ ሸርሐ።

ወከለትለ ትደሐረዩ እብ ጀህተ፣ ማርሐት ወመደርሰን ሐቆ ሐመደት፣ ዲብ ልትፈረ እቲ ጀማላት ምህመን እግል ለአትም መ ዱልዮት ክምተን አከደዩ።

ወዘር ሐርስ አሰይድ አረፋይኔ በርሄ ህዩ፣ በቃዕ ትምህነት - ምን ትነሰኡ ምህነት፣ ዲብ አካን ሸቅል እብ ፍዕል ወመባደረት ወመትሰባል ክም ትጠወር እንዲ ፈሀመዩ፣ ምሰለ ተጃርብ ወቅድረት ለቦም ሰብ መቅደረት ሐርስ ወሐረሰቶት እት ልትዓወነ፣ መናበረት ሐረሰቶት እግል ትሰኔ እግል ልክደመ ተሐሰበ።

ሓክም አቅሊም ግብለት አሰይድ ሃብተአብ ተሰፋጽዮን እብ ጀህተ፣ ለደርሰዩ እተይ ሐርስ እግል ልዕቤ ዲብ ገብእ ጅህድ ደረን እግል ልቀድመ ትላከ።

እተ መናሰበት፣ ፍገሪት ሰኔት ለሰጃለዩ ጀኢዘት ፍንቲት ትሀዩበዩ።

አሜሪካ፡ ማህረጃን ኤረትሮፊን ሰካን አሜሪካ እብ ነደረት ተምም

ማህረጃን ኤረትሮፊን ሰካን አሜሪካ “ደማን ሰላም እብ ሰባት፣” እብ ትብል ሰቅራት፡ ምን የም 26 እስክ 28 ጁላይ ዲብ መዲነት ዋሽንግቶን ዲሲ እብ ነደረት ትሰርገለ።

እትሲ ማህረጃን፡ ሱፊራኡ፡ ዲፕሎማሰዩን፡ መሳሪት ኤረትሮፊ ወምን አሜሪካ ለመጽአው ዝያድ 12 አልፍ ኤረትሮፊን ሹርካም ዐለው።

መሰኡል ሸኡን ተንፊዝየት ሰፋሪት ኤረትሮፊ አሰይድ ብርሃኔ ገብረሂወት እተ አሰምዐዩ ከሊመት፡ ናይ የም ዓመት ዝክረት 50 ሰነት ማህረጃን ሸዕብ ሰበት ሳይፈ ፍንቲት ክም ቡ እንዲ ሐበረ፡ ኤረትሮፊን ዲብ አሜሪካ - ለትነዝመ ግድለ ምን ለአነብቶ ዲብ ሐልፈ ሰር ዘበን ለትሰርገል ዶር ወጠኔ፡ እትሲ ማህረጃን ምን ትርኢ፡ ሸክለ ማህረጃን ለረሸደ ክም ዐለ ሸርሐ።

እሊ መደት ሰለስ አምዕል ለአተላለ ማህረጃን፡ ታሪክ ሐዶት እጅትማዕየት ንዳል፡ ዶር ዔማት አክባር ዲብ ሰውረት ወተአሲ፡ አብካት ሰዶሐት፡ ዐገል ተዐዲን



ኤረትሮፊ፡ አብካት ሐርስ ወፍገሪቲ፡ ወራታት ዲፕሎማሰዩን ገቢል፡ ለሸርሐ 8 ቀወሺ ወቂሾት አጀኒት፡ ዋዘር፡ በራምጅ ፋግዮት፡ ሰሚናራት ወመሓደራት ለከምክም ዐለ።

እምበል እሊ ታሪክ መትነዛም ወመሻረከት አንሳት እብ ፍዕል ዲብ ማሕበር ወጠኔ አዋልድ አንሳት ኤረትሮፊ ለከሰሰ ማሕበር- ጎማት፡ ወመትባዳል ተጃርብ፡ መሰራሕ አምር ክቲብ፡ ወጅግረ ዐቅል ወግርመት ገብእ።

መሰኡል ሸኡን ተንፊዝ. ሰፋሪት ኤረትሮፊ ዲብ አሜሪካ አሰይድ

ብርሃኔ ገብረሂወት፡ እግል ምሻርከት ዲብ ሓድረት ሓለት ወጠን ወናይላ መጽእ ወክድ በራምጅ፡ ፍንቲይ ሕሰር ኤረትሮፊን ዲብ ካርጅ፡ ለሸርሐ ሰሚናር፡ ገብእ እተ ሀለ፡ ዲብለ ትፈናተ መጃላት ዓፍዮት ለረከዘ ማሕበር ጎማት እብ ሐሸም ሐካይም ትቀደመ።

እት ደንጎበ፡ ልጅነት ወጠንየት ኤረትሮፊን አምሪካዩን፡ ዲብ ሰነት 2024 ለትደሐረው ኤረትሮፊን ሸባብ እብ ሰጀለው ዐውቲ ዲብ ተዐሊም ጃኢዘት ሀበት።

አሰመረ፡ እድንደይት አምዕል ሰፊር ትትዘከር



እድንደይት አምዕል ሰፊር “እብ ደማነት ለቡ ጅማዕ ሻይረሰ ለሰበቡ መእረር ሸንበእት ንዳፍዕ” እብ ትብል ሰቅራት የም 29 ጁላይ ዲብ አሰመረ ትዘከረት።

እት ወብረት ዓፍዮት መዲር መራቀብት ሕማማት ዐደዮ ዶ/ር ኣርኣዶ ብርሃኔ እተ አሰምዐዩ ከሊመት፡ እድንደይት አምዕል ሰፊር፡ እብ ደረጀት ወጠን እግል ሰልፍ ኢነት እግል 16ይት ኢነት ትዘከር ክም ህሌት እንዲ ሐበረ፡ ሰፊር እብ ሓምስ ጅንሰ ሻይረሰ በሀለት ኤ፡ ‘ቢ’፡ ‘ሲ’፡ ‘ዲ’ ወ‘ኢ’ አክል ሕድ ክም ኤፍ.ኤ.ሺ እብ ደም ለከሰሐ ሓጃት ብሉሕ፡ እብ ዋጅብ ለኢትነድፈ ኣላት ሕክምነ፡ ምን እም ዲብ ዐልቀት፡ እተ ክምሰልሁ መ እብ ጅማዕ ዋሉቅ ክም ለዐዲ ወአሰክ ሞት ክም ለአሰጽሐ ሸርሐ

ዶ/ር ኣርኣዶ ተቃረር መዝመት መጅልሰ ቅራን እንዲ ዘክረ፡ ዲብ ሀበዩ ተውድሕ፡ ዲብ ደንጎበ ሰነት 2022 እብ ደረጀት ዓለም እብ ሰብ ሰፊር ከብዲ 2.2 ሚልዮን ሐማይም ሐዳይሰ ክም ሰጀለት እንዲ ሐበረ፡ 1.3 ሚልዮን ህዩ ሞት ክም ትሰጀለት እንዲ ሐበረ 63 ምእታይት ምን ምሰለ ሻይረሰ ነብር ለህለው ዲብ ቃሪት አፍሪቀ ክም ህለው አብርሀ።

መሰኡለት መራቀብት ኤፍ.ኤ.ሺ/ኤይድስ ወእብ ጅማዕ ለለዐዲ ሕማማት ሲሲተር ንግሰቲ ተሰፋሚካኤል እብ ጀህተ፡ ዲብ ለትፈናተ ጅሃት መጅተማዕ እብ ገብአት ድራሰት፡ ዲብ ዐድነ ምን አልፍ ነፈር ለ30 ለሻይረሰ ቢ ክም ሀለ እቲ፡ ለ5ምእታይት ህዩ ሻይረሰ ቢ ክም ብእቶም ሐበረት።

ናይ ሻረሰ ቢ ፍድኢት ዲብ ዐድነ ምን ተአነብት 22 ሰነት ክም ወዲት እንዲ ሐበረት፡ ለፍድኢት ዝያድ ለተአደምዕ እግል ትግባእ ፡ አጀኒት ክም ትወለደው ዲብ ቀበት 24 ሳዕት ነሰእው ሰበት ህለው፡ ወብረት ዓፍዮት እሊ አግቡይ እግል ልትሸቆ እብ ትከድም ክም ህሌት ሸርሐት።

ወከል መክተብ እድንደይት መዝመት ዓፍዮት ዲብ ኤረትሮፊ ዶ/ር ኖንሶ ኤጅዮፎር ህዩ፡ አሰክ ሰነት 2030 ብዘሐላ እብ ሻይረሰ ለለሐም ዲብ 90 ምእታይት እግል ልንቀስ እግል ልትከደም ክምቲ ሐበረ።

ዲብ አምዕል ፍንጌ ደረሰ ካልአይት ደረጀት አቅሊም ምግብ ጅግረ መክሐደ ወአምር ዓም ጋብእ ዲብ ሀለ እግል ተዐውተው ጀዋእዝ ተሀዩበ።

ኩልያት ማይ ነፍሐ ወእሮተ፡ 535 ደረሳይ አድሐረይ



ኩልያት ዕለም ማይ-ነፍሐ፡ እብ ለትፈናተ መጃላት ለአድረሰቶም 55 ምእታይት አዋልድ አንሳት ለልትረከበ እቶም 260 ደረሳይ፡ የም 28 ጁላይ እብ ዲግሪ አድሐረት።

ትግበእ ክም ልትሰአው ወድሐ።
 ዐሚድ ኩልያት ዕለም ማይ-ነፍሐ ፕሮፌሰር ገብራይ አስገደም እብ ጀሀቲ፡ እትላ 17ይት ደለ ትገብእ ለህሌት መድሐራት ሻርኮ ለህሌው ደረሰ፡ እብ ዕለም ሐዮት፡ ቀመም፡ ስታትስቲክስ፡ ሕሳብ፡ ፊዚክስ ወአርድ ናይ አርባዕ ሰነት ድሩሶም ለአትመመው ክምቶም እንዴ ሐበረ፡ እትላ ሐልፊየ ሰለሰ ሰነት እብ ትሉሉይ ለትርአ ምን 50 ምእታይት ወለዐል ዐደድ መትድሕረት አዋልድ አንሳት፡ ብዝሐ ሌጠ እንዴ ኢገብእ፡ መትጃጋርመ ለለአርኤ ክምቱ አሸረ።
 “ሐፍለት መድሐራት፡ ለረከብኹህ አምር እብ ፍዕል እግል ተአሰብቶ ለትገብእ ዲቡ ወቅትቱ” ለሌለ ወኪል መትድሕረት ህይ፡ ዲብለ ትፈረረው ዲቡ ወራት እግል

ለአትመመው ቶም።
 ወዘረት ዓፍየት አሚነ ኑር-ሐን እትላ አስመዐተ ከሊመት፡ ሕክመት ኤረትርየ ሰው አብነት ምህር ዲብ ኩሉ ድዋራት እግል ተአክድ ትወድዮ ለህሌት ጅሀድ፡ ሰርገል ረክብ ክም ህለ እንዴ ሐበረት፡ መትድሕረት መዋ-መጦርለ ከዲም ሸዐሮም፡ እት ምህቶም ፈሀም ወመቅደረት እግል ልወቅሎ ትፋኔት።
 ዐሚድ ኩልያት ሕክምነ ወዕሉም ዓፍየት እርተ ፕሮፌሰር የማይ ሰይም እብ ጀሀቲ፡ ለኩልያት ለሐሰት ኑዕየት ለቡ ድሩሰ ሕክምነ፡ ደረጃቱ ለሐፍዝ ወዲብ ዕለም ለተንከበ ከደማት ዳወዮት ወመራዐየት ሐመይም እግል ትወጅድ፡ ዲብ ሕፍዝ-ሕክምነ እንዴ ረከበት ክም ትከድም ሐቆለ ሸርሐ፡ የም ዓመት እብ ፍንቲት-መቅደረት ሕክምነ



ወዘር አርድ፡ ማይ ወድዋር አሰይድ ተሰፋይ ገብረሰላሴ እትላ አስመዐየ ከሊመት፡ እግል መትድሕረት፡ ዋልዲን፡ መደርሲን ወመታብዐት “አሰናይኩም” ሐቆለ ቤሌ፡ እትላ ዐለምነ እብ ቴክኖሎጂ ትጠወር ዲቡ ለህሌት ዘበን፡ ለለአትጃግር አምር ወበቃዕት ዐንደቆት፡ እግል ምስል ወቅት ለምጽእ መታክል እግል ጋብሆት ክም ለአቀድር አፍሀመ።
 አምዕል መድሐራት - ምንኬንላ ፈርሐትከ ለትሸሬሕ ዲብ ለገይሰ ምህም ጋር ክም-ብ ለሐበረ ወዘር ተሰፋይ፡ መትድሕረት፡ ሰብ-ሰእየት ወጅሀድ እግል ልግብኤ፡ እብ ኩሉ አብሳር ህይ ዲብ ተጠውር ሸዐሮም ወወጠኖም ሐዞቶም ዐባይ እግል

መጅተምም እብ መስኡልየት እግል ልክደም ዱሉያም ክምቶም አከደ።
 ኩልያት ሕክምነ ወዕሉም ዓፍየት እርታመ፡ የም 27 ጁላይ እብ ለትፈናተ መጃላት ለአድረሰቶም፡ 47.6 ምእታይት አዋልድ አንሳት ለልትረከበ ዲቡም 275 ደረሳይ፡ እብ ናይ ሐቆ-መድሐራት፡ አወላይ-ዲግሪ ወዲፕሎመ አድሐረት።
 ህቶም ህይ፡ 12.7 ምእታይት እብ ዲግሪ፡ 87.3 ምእታይት እብ ዲፕሎመ፡ አርበዕ ነፈር ህይ እብ ፍንቲት መቅደረት ሕክምነ አግሩዝ ወአጀኒት፡ ምር እብ ፍንቲት ምህነት ዕምሰነ ወውላደት ናይ ሐቆ መድሐራት ዲግሪ ድሩሶም

አግሩዝ ወአጀኒት ክምስልሁ-መ ዕምሰነ ወወሊድ ናይ ሐቆ-መድሐራት፡ እብ ሃም ሕክምነ፡ ዕለም ክለኒካይ ላቦራቶሪ ናይ ዲግሪ፡ ሃም መራዐየት ሐመይም፡ ቴክኒሻን ሕክምነ አይናብ፡ ቴክኒሻን ደወ። ቴክኒሻን ዓፍየት ድዋር፡ ቴክኒሻን ላቦራቶሪ ሕክምነ እሻዐት(ራጂ) ህይ ናይ ዲፕሎመ ድሩሶም ክም አትመመው ሐበረ።
 ሰብ ምህነት ዓፍየት፡ ዓፍየት መጅተማዕ ዲብ አድመኖት ለአግደዉ ወራት ወለሶም ዶር ውቁል ክምቱ ለሐበረ ፕሮፌሰር የማይ፡ መትድሕረት እብ ራሕመት፡ እብ አማነት ወለጸሐት እግል ልክደም ትፋኔ።
 ወኪል መትድሕረት እብ ተረቲ፡ መድሐራት - ነቲጀት ናይ ሰኖታት ሄራር ተዕሊም ለልርኡ ዲብ መናሰበት ክምተ ሐቆለ አሸረ፡ እብ ሰሚት መትድሕረት እግልለ እብ ለህ ለአድረሰዮም ሸዐብ ወሕኩመት ሐመደ።
 እተ ምዕል፡ ድሩሶም እብ ንቃዋ ውቁል ለአትመመው መዳልየት፡ እብ ዓመት እግል መትድሕረት ህይ ወረቀት ሸሀደት ተሀየቡ።
 ኩልያት ሕክምነ ወዕሉም ዓፍየት እርተ፡ ኩልያት ዕለም ዓፍየት አስመረ ወመድረሰት ሕክምነ ወሕክምነ-አይናብ እርተ እንዴ ሐበረት፡ ዲብ ሰብተምበር 2018 ቁመት።

ውዛረት ሐርሰ ዲብ አሰነዮት መነት ገቢል ተሀድግ

ውዛረት ሐርሰ፡ ምስል መክተብ መዝመት ነብረ ወሐርሰ መዝመት መጅልስ ቅራን እንዴ ትግወነት፡ ዲብ አሰነዮት ንዛም መነት ለሀድግ ማሕበር ጎማት፡ ዲብ የም 25 ጁላይ እት አስመረ ወዲት።
 እትላ መሸርዕ ዐማር ተዋብ ንህብ ወአሰነዮት አግቡይ መነት ወቅዝ እግል ልትብገስ ለትክመ ማሕበር ጎማት፡ “ምስል ሓለት ጀው ለገይሰ ተዋብ ንህብ ወስልሰለት ቁመት መዐር”፡ አሰነዮት ቅዝ ወአግቡይ መነት እብ መቀዝያተ ዲብ ሕሳብ ለአተ ሐርሰ፡ ለልብል አርእስ እግል ህድግ ትቀደመ።
 ለብገሰ ህለ መሸርዕ ናይ ሕበር መፍሀም እግል ለህሌ፡ ፍንጌ ተዋብ ንህብ ወምስል ሓለት ጀው ለገይሰ ሐርሰ ለህለ ናይ መግወናት እትጅፃት እግል ልትፈርግ፡ ዲብ ፍዓልየት ብገሰ ለህለ መሸርዕ እግል ልትሀደግ እቲ ከእት ውፋቅ እግል ልትብጸሕ፡ እግል መራቀብት ወጊምም ለሰዲ ናይ ሕበር አግቡይ እግል ልትጠወር፡ ክምስልሁ-መ ዲብ ናይ ሕበር መፋሀመት ወእዳረት አምር ወሰትራተጅየት እት ውፋቅ እግል ልትብጸሕ ለአመማ ቲ።
 መሸተርከት ዲብለ ወደው ህድግ፡ ለመድ ሸትል እግል ልትናየት፡ ተዋብ ደወርህ ለለአትናይት ድዋር ውጡይ እግል ለህሌ እብ ተአሰትህል እግል ልትከደም፡ ፈዛዐት መጅተማዕ ዲብ ተዋብ ንህብ ወቅዝ ለቡ አግቡይ መነት እግል ለዚድ፡ አርዛቅ ሰብ ሸርከት እግል ልትክም ወለትመቃራሕ፡ ሐረሰቶት እብ ትክመት ገበይ እግል ልሸቀው፡ ተዋብ ንህብ ወአፍረየት መዐር ምስል አህዳፍ ዐማር ዳይመት ክም ገይሰ እግል ልግባእ ለልብል ረእይ ቀደመው።
 እትላ ወካይል ውዛራት፡ ማሕበር ወጠን ጌምየት ሐርሰ ምን ዐድ ወካርጅ፡ ወወካይል መአሰሳት መዝመት መጅልስ ቅራን ዲብ ኤረትርየ ለሻረከው እቲ ማሕበር ጎማት፡ ዲብ ውዛረት ሐርሰ ሙዲር ሃም ቅሰም ኤክስቴንሽን ሐርሰ አሰይድ ሰመሬ አምሰሶም እተ ቀደመየ ከሊመት፡ ንዛም መነት እግል ልሰኔ፡ ዲብ ተአሰር ለቡ ተሐድያት ወዶር ሰብሸርከት እግል ልዕቤ፡ አርዛቅ እንዴ ትመቃርሐ፡ እግል ዝያድ ሸቅል መባደራት እግል ልትነሰኔ፡ እብ መሻርከት ለተሀየብ አፍካር እንዴ ትጌመመ፡ ዲብ ፍዕል ለልውዕል እቡ አግቡይ እግል ልትባሰር ትፋኔ።

ለጅነት ተንፊዝየት መ.ወ.አ.አ.ኤ. ሸቅለ ትጌምም

ለጅነት ተንፊዝየት ማሕበር ወጠኒ አዋልድ አንሳት ኤረትርየ፡ ዲብ የም 24 ወ25 ጁላይ ዲብ አስመረ፡ እት ሰርገለቲ እጅትማዕ፡ ፍዓልየት አወላይ ሰር ሰነት እንዴ ትቀየመ፡ ዲብ ስታት ሸቅል ስትራተጂ ሐዲስ ህድገት።
 እተ ዲብ መክተብ መርከዚ ለገብእ እጅትማዕ፡ ፈዛዐት ወበቃዕት አንሳት እግል ትዕቤ፡ መሻረከት አንሳት ዲብ ዐግሎ ተዐሊም፡ ወበራምጃት ዐማር፡ እግል ቲዚድ፡ ዓፍየት ወመቅደረት አንሳት እግል ትደቀብ፡ መትካም ሻባት አንሳት እግል ልተረድ፡ ወብዕድ አርእስ እብ ከሰሰ፡ ሐቲ እብ አቅሊመ ናይላ ትሰርገለ ብራምጃት ተቃረር እብ መጅብ ሐዋን ወብቆዕ ጀዋን ትቀደመ ወተሀደገ እቲ።
 ለጅነት ተንፊዝየት፡ ማሕበር ሩእየቲ ወአህዳፍ እቲ እግል ልብጸሕ ምን ወክድ እት ወክድ ስታት ስትራተጂ ዲብ ለአፈግር ከድም ከም ጸንሐ፡ ሓድር ተሐድያት ወጠለባት ዲብ ሕሳብ እንዴ አተ፡ ለህለ አብነት ሕስር ዛይድ እንዴ ተሀየብ ለልትሐመድ ሸቅል ልሰርገል ክም ህለ ፈሀመት።
 እት ደንጎቤ ዲብ ተሌ ካልአይ ሰር ሰነት መትካም አንሳት እንዴ ትደቀብ፡ ፈዛዐት ወመሻረከት አንሳት ዲብ ክሉ መጃላት እግል ትዕቤ፡ ልሰርገል ለጸንሐ ብራምጃት እብ ትወቀለት እግል ለአተላላይ ዲብ መፋሀመት ትብጸሐ።



ጸፈትርየ ግጥም

ክል አርቦ ለትጠ'በዕ ጀሪደት
 መዳልያይ፡-
 - መሐመድ እድሪስ

ለይአውት ወአርተያት
 * ዘህረ ዐሊ
 * ፋጥነ አድም

ተለፎን፡ 121797/07121322
 ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
 ተለፎን፡ 200454

አትአመርት፡
 ተለፎን፡ 125013፡ ዕ.ሰ.ቡ፡ 1284

3^ይ ክፈለ

በራዊ እት ቤቱ!

ሐንገሌ እት ምሒጥ ሕልም ጠውፍ እብ ዐላ፡ እት ክብደ እብ ሰለሰ መነቲት ዐምሳት ክምሰል ህሌት ሐክይም ቀደም ወሊደ እት ለአሰራሪ ትሐሰመት፡ ክምሰል ንዕመት ውላድ ክለ ለዓክላቶም አሕድ እት ባሽሮ ወፈርሐ እት ሕልም እት እንተ ፈቅደተ።

እትሊ ሕልም እሊ እት እንተ ፈጅአተን ቴሌፎን ክርን ልክዩ አሰመዐ። ምን ስካብ ዕኩድልት እት እንተ በል ሐቆ አበለት እግላ መካለመትላ ቴሌፎን ብእሰ ደብአዩ። ዕንታተ አክል አሕድ ሰኒ እንዲ ኢፈዘዕ እግላ ሳዕትላ ቴሌፎን ምንዲ አቅመተት እሊ ኢኮን ሳዕት ሰዕ እት ትብል ፊኦት። ድንግጽት እት እንተ እብ ፈርሀት ወቅተ ክምሰል ሓለፈት አግረሰት። አሰክ ብእሰ ወውላደ ምንዲ ንሰት፡ እሊ ኢኮን እግላ ሰልሲቶም ምሰል እንዲ ጨቅመዮም እተ ረዕዳብ ቤት እብ በግሩ እት ቀሴ እሶም። ህቶም እብ ሐቲ ክርን ምሰል ዲድ እብ ብካይ እት ልብሎ ጸንሐው። ብእሰ እደዩ ወልባሱ ወጭገሩ እብ ሐሊብ ረዳዕት ጠልምብዒታት እንዲ ገብአ አቅመተቲ። ዕንታቲ እብ ትርጉን ደመት ቅጥዒት እንዲ ገብአ ምርት ሕብር ላብሰ ዐላ። ክለ ለሓላቲ ሰኒ አርሐመተ። ለእግሉ ሀብዩ በክት ስካብ ወዕርፍ ውላድ ክሎም እት እንቶም እት ፈክ ዐቢ ዋድዮተ እግሉ ዐለት። እሊ ስድ እሊ ለውዲተ ሰኒ አብዮተ እት እንተ እት ደሚረ ልትወሰወሰ እግላ እብ ንሳላ በልሰተ። “እግላ እናሰ አክል እሊ እግላ ተኣትዕቡ አለቡ” ትቤ። ከእብ ብርድት በሰመት ለዕኩድልት ዐለት ወጅሀተ ሰርጌተ እግሉ። ህቲመ ሰኒ ማሽግ ወዕኩድል እት እንቲ አቅመተዮ ኩተበሰም እብ መሻገት ቤላ እግሉ።

“ማሸአላህ ውትባርክ አላህ) ዮመቲ በሰ አርበዕ ሳዕት እት ስካብ ሓላፍክዮን? ለክልኤ ናደላ መፋህመትናተን ወለ ክልኤ አነ አክልኤ ክምሰል እቀድረኪ ወሐሽመኪ እግላ ተአምሪ ሀብቲኪተን” ቤላዩ ከበሰመት በዐል ቤት ሐመ እግላ ሐማሁ ለሐሸም ወለአምን ትብሰመ እግሉ። ህታመ እትተኣትባርህ እብ ሸፋግ መጽአቲ። ወእተ መቃርን ሐወጅቡ ስዕመት ግይዐት ሐመ እግላ ሐማህ እት ክል ክትፈቲ ለትደውር ሰዐመቲ። እብ ክእኒ ህዩ ናይ ልበ በርበረት እግሉ።

“አነ ረቢ እንዲ ሐረ ወፈተ ምሰልክ እት ዐቅድ ሐላል ቀርኔኔ። ሚ ገብእ እግላ እዳ እግልክ? ረቢ ልእዘም ምንከ። ወእት ዕምር ወዕምር ልወሰከክ እግልዩ። ፈክ ኢልትዕሪ ወኢልትበእኩ። ሴትራይ መንብራይ መተብድራይ፡ ርዕያይ፡ መትሐድራይ፡ መገንድላይ፡ ሄይባይ ወመሐሸማይ፡ ሬፍዳይ፡ መሳርያይ ወመሰኒያይ፡ ሚ ወሚ

ገብእ እግላ እበለከ፡ ኮር እንተ ወኖር እት ጽልመት” ዲብ ትብል አናቁቲ። እንዲ አትሌት “እለን አርብዕ ሳዕት እለን ነሻጥ ገርብዬ ሳሊሐድሳተን። ዕምርክ ልትጠወል ወምራድክ እት ሰኔት ምን ጎር ረቢ ልትምም” ትቤ ከትዐበር ሐጭረ እት መሰለኒ እብ ግሩማት አንዬባተ ተበሰም አትሌቲ እግላ እብ አፍህ ቴሌቲ።

ምን እሊ እንዲ አትሌት አሰክለ ሰልአሰ ከራዊህ አቅመተት። ክምሰል ምን አሕድ ወቅት ሰኒ ረዩም ለዋድያም መሰለው እተ፡ ፡ ሓቅፈቶም ስልሲቶም እት ወሪደ ሕቅፈት እም ዋልዳይት ሐቅፈቶም። ሐጅሞም ነአይሽ ሰበት ዐለው ተሐቀፈው እግሉ። እግላ ረዳዮቶም ምን ሐዲስ አጅሀዘተን እግሉም።

ብእሳመ ምን ሐዲስ መጽአዩ። ከእግላ እግላ ፍኩር ለዐለ ፍክረት እግላ አሰአለዩ “እሊ አጅኒት፡ ሐሊብ ጠቢዒ ሄሶም ከእዘሚ ምኖም። እግላ ነአምሩ ለሰብ ምን ሰናዒቲ ወለ ሐሊብ ለጠብዒ ለአክል እሊ አብ አሰባቡ እብ አብዐንገር ልትባከው ወልትጀረሶ ለህለው እግላ ነአምሩ ለሰብ” ቤላዩ ከአሰክ ምሰካቡ ንሰ ምን።

ህታመ ክምሰል እግላ ብህለ ለዐለ ሐሊብ ጠቢዒ እብ ሌጠ ተአሰትዮም ወዐለት። እሎም ኢኮን ደለ እግላ ሰተው ሸለክ እብ ሸን እት ልብሎ እግላ ምላያት አከው ምን። እምም ለሳደፊዩ እት ሸቀላት ወሀላግ ካረዩ። አሰክ እቅባለት አብሆም ምን ሸቅል እግላ ትጽነሕ ኢቀድረት። እት ሐኪም አግሩዝ እንዲ ደወለት እብ ሓለቶም አክበረቲ። ላመ ሐኪም አምዕል እንዲ ሐደደ እግላ ምን ቅሩብ እግላ ልርአዮም ነሲሐዩ። አብሆም እብ ሓለቶም ለአምር ሰበት ዐለ አሰክ ሐኪም እግላ ልገሰ እሶም፡ ሐህ ምሰሉ እቡ መጽአ በደል ሐቲ እሲት ወብእሰ ሰለሰ ጀነ ምሰል ረፍዖ ምን ዕንታት ሐሰደት ሰበት ፈርሀው።

ለብእሰ ቅሰት ሰይድነ ዩዐቁብ አፍቀደዩ። እብ ሐቲ መንገአት እግላ ኢልአተው እሶም ነሲሐዮም። ፈርሀቲ ምን ዕን ሐሰደት እት እንተ። (ያብይሌ ላትትድክሎ ምን ባብን ዋሕድ፡ ወአድኸሊ ምን አብሆብን መተፈሪቀ) ሰደቅ አላሁ አልዐዘም። ትብል ዐለት ለአየት ከሪመት። እብ አብሆም አምጸአዩ ፍክረት ክል ምኖም ክእብ ባብ በይኑ አተ። ወምን አሕድ ፍትትያም እት እንቶም ትጋሰው፡ ፡ ምርት ምሰል ወክልኤ ምሰል አብሁ፡ ወሳልሳይ ምሰል ሓላ፡ እተ ረአዩ ብእሰ ትዋፈቀው።

ሐኪም ክምሰል ነቅመ ሰልሲቶም ምሰል አተው። እሊ ወክድ እሊ ክሉ ልርአዮም ለዐለ እብ ክሰሩም እግላ ልህደግ ወልትሃጌ አሰተብድ።” አህ!

ለአጅኒት እምም ሐቲተ መሸ!?” መነቲቶም ገብእ? መሰሉ” ውብዕድ ጉም ጉም ወሐሸካሻክ ትሰመዐ። ዕንታት እግላ ረአዮቶም ሰብኡ ትዳነክ ወአትናወረ። እምም መሰኪነት እብ ፈርሀት እት ውላደ ልበ ረጅፈ ወቀልበ ቀሴ። እብ ክእኒ ለተሌ ህዩ። ፈርሀተ ወትዕሰ ሸርሐት።

“ያራት ዮመቲ ማጽአት እሶም ምንዲ ይእገብእ። ለገንሐ ዕንቃቅ መላእክት ለመሰል ግሩም ልርኤ። አሰክ ሕልዊቶም ትሓልፎም ላኪን እለ አነ እት ክል ተልገ ወምን ክል አሰ እሸብብ” ትቤ ከሆም ገም ትቤ ዋልዳይት መሰኪነት እግላተ። እግላ እግሉ ሓቅፈት ምኖም ለዐለት እት ነሐረ ሰኒ ጸብጠቲ። ምን ዕን ሓሰድ ውብሩድዮት፡ እት ፈርሀ እቲ። ለደክቶረተ አግሩዝ ዲሶም

ደረጀት ድራሰቹ ካልአይት ሰነት ሳይንሰ (ጥብ ደክተረት) ቲ” ቲላ ከአተንሴተ ህታመ በሊሰ እግላ ትሰመዕ ሓዘዮት እት እንተ። ለሐኪመት፡ “ማሸአላህ ወሰላት ዓለ አነቢ። እንቲ ንኢሽ እንቲ፡ ወበርዱ ደክቶረት። ረቢ ልእዘም ምንከ። አኪ ሐሊብ ጠቢዒ እግላ አጅኒት ኢትሄሶም ቲ። ነአይሽ ሰበት ህለው ሐሊብ ጠቢዒ እሰሃል ወዳ እቶም ምሰል ሰናዒ ልትሀዩሶም ሰበት ህላቲ። አነ ይቡሰዩት እግላ ኢልወዳ እቶም እፈርሀ እቶም ህሌቲ። ምዕደቶም እት ምርት ወቅት ክልኤ ዐይነት ሐሊብ ጠቢዒ ወሰናዒ እግላ ትትክበት ኢትቀድር” ቲላ። ከአትቃመታተ ምን ሐዲስ።

እግላ በሀለ ሐኪም ለሰምዐት መዳም እብ ዛክረተ ሐር እንዲ



ከሸፍ ሐቆለ ወዳት፡ ቀለመ ምን ደፍተረ እንዲ ኢትረፍዕ አሰክለ እምም እት ትገኔሕ” እንቲ ዕምርኪ ክም ሰነት ቲ መዳም?” እብ ዕምር ዋልዳይቶም ትሰአለት።(መዳም) ለሰአለ ደክቶረት ሰኒ አትፈከረዮ። “ሚ ህሌት ድራሪ ዕምርዬ ለትአምሪ እብ አው እቡ እግላ ትሰአለ ሚ ገብእ ተአጀብረኪ ህሌት”!? መጦር ሰአለ ደክቶረት እብ ቅብላቲ ሰአል ክፈት መዳም። ደክቶረት፡ “አይወ! ዕምር ዋልዳይት ድራሪቲ። ዕምረ ወደረጀት ድራሪት ክምሰል አመርከ። እግላ ትህደግ ምሰል ትቀድር ላመ ውላድ እንቲቲ ዋልደቲ ለህሌኪ” በልሰት እተ። መዳምም ግድም ለእብ ትሰአለተ እተ እግላ ትብለሰ እተ ላዘም ሰበት ዐለ፡ “አይወ! ደክቶረት ዕምርዬ ዕሰረ ወሰለሰ ሰነት ቲ።

አቅበለት ክለ ለሓለተ ውሓለተ ውላድ እብ ሐት-ሐቲ አትዋየነተን፡ ክልኤት ጥቤ ክልኤት ጀነ ምሰል እት ራቲቀ እት ዴጸት ትሸዕር እቡ ለዐለት መጸጸት ዴጸት እግላ ፈቅደት። እግላ ቅሩብ ወረዩም ዳግመተ ኢትአምር። “ረቢ ሐቆ እግሉም ሀቤኒ አኪ እግላ አነ ለህሌት እተ ለኢደሌ እምበል እግላ ኢትአምብዮም ሐኪት፡ ሚ ኢልብለኒ” እንዲ ትቤቲ። ትሰትረ ለዐለት እምበል ሐቲ ለኢትትሰተር ምኑ ረቢ አልዒባድ ዳልህ ዐለ አለቡ።

እብላ እግላ ምብጽሐ ሐኪምለ አግሩዝ እንዲ አትመመው አሰክ ቤቶም አቅበለው። መዳም አርወሐተ እግላ ስካብ ትትነሽግ ምን ዐለት። ስካብ አርበዕ ሳዕት ክምሰል አምዕል ቀዳሚት እንዲ ኢገብእ፡ ትምኔት ወሕልም እለ

አምዕል እለ ሳኪን እግላ ክልኤ ሳዕትመ እግላ ልግበእ ኢቅድረ። ብእሰ አምዕል ቀዳሚት ታርህ ሰበት ዐለ ወፈጅራተ ሸቅል ልትጸበሩ ሰበት ዐለ እግላ ስካብ ኢልሕለፋ ሰበት ፈርሀ ለበክት እግሉ ትሀዩቡ። ላሊ እለ አምዕል እለ መዳም እተ ምክሩህ ሐርብ ምሰል ከራዊህ አቲት። መዐረከት ብካይ ወጽራር፡ ሐዲብ ረዳዮት ወበጫበጫት ሐሊብ (ብጭብጭ)፡ ወዐቂብ ሳዮት ሀይብ ደዋሆም፡ ጸቢዋ ወጠላቅ እቲ ገበአት። እግላ ሐቲ ወዴት ምንዲ ገብእ ለኢጋብአት ትትጸበረ ዐለት። ሐር ወቀደም ፍንጌ እለ ወሊህ ተግ ተጋግ በዋረት። ገርብ ገሃዶት እንዲ ገብአ ክምሰል ግንዳይ ደቡሰ ኖሰ እተ ረአሰ መክደተ አክል ሐቲ ሳዕት ለትገብእ ቀመት ስካብ ተአነፍር ዐለት። አኪመ ሐሶሴት ምንዲ ገብእ ለመዐረክት ምሰል ቅንጽተ እግላ ድፋዳት ትትደንክክ ትዳርክ ወተኣትሻኪተ ዐለት። ህቶም እት ብካዮም ለአሰተብዱ ወሀተ እት አትሓላይ ትገብእ።ሐቆ ሰላት አዝህር ብእሰ አተሰለ እተ ሓለት ውላዱ እግላ ልድሌ። ክምእኒ ቤላዩ።

“ውላድ ከፎ ወዐለው? ኮይሰ አነ ምን ናይ በዲርዬ ሳዕት ሐድ እግላ እትአከርቲ። ዋልዳይትቹ ትጸበረኒ ብህላቹ ህሌት። እግላ ኢትትሀለገ” ሐቆ ቤላዩ ሰብብ መትራካብ እሙ ሚ ክምሰልቲ ትሰአለቲ መዳም እግላ ብእሰ። “ሐቲ ዳሊ ይህሌተ” ቤላዩ ክሰብ ተአኪሩ እንዲ ወድሐ እግላ ሰምዐት ቴሌፎን ደብአ ምን። መዳም ሰብብ መትራካብ ብእሰ ወሐማተ እግላ ትአምር ለኢፈንቀለተ አበነት። ወለ ኢረፈዐት መዐነት ይዐለት። ሳኪን ክሉ ምን ዴማት ሐንገለ ተንክር ለዐለ ሕሳባት ሰሩ እብ ዩምክን ትሓክመ ወሰሩ። እብ ገብእ ትጌመመ።

ህተ እት ፈቲሕ ወትአሰር ለምን ሐንገለ ተንክር ለዐለ አምዋጅ ሕሳባት እት ትሐብክ ወትሸፍት ፈጅአተን ጀረሰ ባሶም ነቅመ። ባብ ክምሰል ፈትሐት እለ እትን ወለቶም ወለት አርበዕ ሰነት አሰክ እመ ውላደ ዴጸቶም ትዐክክ ምሰል አቡተ እም አብሀ እግላ ትትጽነሕ ናድአመ ለዐለው ህተ ምሰል አብሀ እት እንቶም ጸንሐው። መርዮም ምን አሰክ አቡተ ትገይሰ ክልኤ ነሃር ሐልፍት ዐለት። “ክልኤ ዮምመ ዐባይ ሰዳይት ትገብእ እግልኪ” ለትቤ ትመሰል አቡተ።

ለወለት አርበዕ ሰነት ወለቶም መርዮም እመ ክምሰል ርኤት እብ ፈርሐት ትሳረረት። “ይማይ! ይማይ! ትሰፍለልኮኪ አርወሐቲ። ይማይ ለቅዝር ረሐመትኪ፡ ለሐቅፋይ ወመመውናይ ነሐርኪ፡ ትሰፍለልኮኪ!” እት ትብል ትሳረረት መርዮም። መዳም ቅብላት ወለተ መርዮም “አሰናይኪ ሰኔቹ ኖሪት፡ ለዐባይ ሕርመቹ፡ ዕቅራይትቹ እንቲ ወደፈአቹ” እት ትብል እመ ቅባል ወለተ ትሳረረት።

ሐሰት መድረሰት፡ ፍሬሰላም -ምሕላብ

ሐሰም ሰሐፍዩን ጀራይድ ኤራትሮፕ፡ እተ ሐልፊ ወሬሕ፡ ዲብ ምዳርየት ገለብ ዝያረት ሸቀል ዋድያም ዐለው። ከምሰል ሙዲር መድረሰት ፍሬ-ሰላም ምሕላብ መደርሰ ሐሴን መሐመድ ሰዒድ እድራሰ ለወደወ መቃብላት እለ ተሌ ተ።



መምህር ሐሴን መሐመድ ሰዒድ

ሰላይ፡ መትኦም ምሰል ከልፍየት መድረሰት ፍሬ-ሰላም ምሕላብ እግል ተሀበዎ?

በሊሴ፡ መድረሰት ፍሬ-ሰላም ምሕላብ እት 1972 ተኣሰሰት። አሰክ እለ ህይ ምን መኣንብታይት ደረጃት አሰክ 2ይት ደረጃት ተኣደርሰ ህሌት። እት ሰነት 1972፡ እት መደት እስትዕማር ህይሌሰላይ እብ ውላድ ዐድ ለነሰአወ መባደረት ወእብ ለአትፋገረወ ማል ትብኔት። አሰክ 1976 ሰነ ተኣደርሰ ዐለት፡ ሐቀህ እብ ሰብብ ሕሩባት መስተዕምረት አትካረመት። እት ሰነት 1982 እብ ሐዲስ እብ ጅብህት ሸዕብየት ተሕረር ኤራትሮፕ ትከሰተት። እለ ሰነ ፈሰል ሌጠ ለዐለው እለ መድረሰት ምሰል መትደውሻሽ ናደው-አዝ 1988 - ዚንጎታተ ወመባኒህ ትደመረ ወዐፍሽ ትዘመተ፡ ከእብ ሐዲስ አትካረመት። ሐቀ እለ ለመድረሰት፡ እት ሰነት 1991 ሐቀ ሕርየት እብ ትካጅ ወዕሸሽ ተካይብ እብ ሐዲስ አንበተት። ናይ መኣንበት ምህር ህይ እብ ህግዩ ትግራይት ለትኣደርሰ መድረሰት ተ ቤት ምህር ፍሬሰላም ምሕላብ።

ቀሃመ፡ እት ሰነት 1993፡ አትሳናይ እንዲ ገብአ ዲብ ዚንጎ ለብሰት ወክም ተኣሰተብዲ ገብአ። ውላድ ዐድ ገዳም ምሕላብ ከራሲ ወከባት መጽኦ እለ ወምህር አሰተብዲ። እት ሰነት 1998 አርበዕ መባኒ ሐዲስ ወመንበሪ መደርሰን ትብነ ዲብ። አሰክ ሰነት 2001 ናይ መኣንብታይት ደረጃት ምህር ተሀይብ ጸንሐት። እት ሰነት 2002 ህይ እንዲ ዐቤት፡ እት ምግባይት ደረጃት ተዐዲት። እት ሰነት 2023 ህይ ምን ምግባይት እት 2ይት ደረጃት ዕዲት ህሌት። እትለ መደት ጎነ ህይ መኣንብታይት፡ ምግባይት፡ ካልኣይት ወምህር ዐረዮት እግለ ዕምር ድራሰት ለሐልፊዮም አጅኒት ወምህር ዐባዩ ተሀይብ ህሌት። እት ካልኣይት ደረጃት ህይ አሰክ ዓሰራይ ፈሰል እብጽሓም ህሌን ደግም ሰበት አንበተት።

ሰላይ፡ ደረሰትም ከም ገብአ?

በሊሴ፡ እት መኣንብታይት ደረጃት 824፡ እት ምግባይ ደረጃት 426፡ ወ118 ህይ እት ካልኣይት ደረጃት ለህለው ደረሰና ቶም። እብ ዓመት 1,355 ደረሰይ ምን አወላይ አሰክ ካልኣይ ደረጃት ህለው እግልነ።

ሰላይ፡ መደርሰን ህይ አክል አዮም ቶም?

በሊሴ፡ ዐደድ መደርሰን ምን እንረኤ፡ 32 መደርሰ ህይ ህለው እግልነ። እትለ አዜ፡ ሕዳን መደርሰን ህለ እግልነ። እት መኣንብታይት ደረጃት ዐደድ መደርሰን ምሰለ ናይ ደረሰ ብዘሐ ዶል ልትረኤ፡ ካሬ ኢኮን። እት ካልኣይ ደረጃት፡ እብ ጅንስ ምህር ዶል እንረኤ፡ ናይ ከምየእ፡ ፊዝየእ፡ ባዮሎጂ ወሕሳብ መደርሰን ሕዳም ቶም። መሰለን፡ እት መኣንብታይት ደረጃት ወመርሐለት አሳስ ለእንብሉ፡ ዐደድ ደረሰ ዲብ ኦሮ ፈሰል አሰክ 70 ደረሰይ ህለ። እለ እግለ ደረሰ ለልኣትሐውንመ ህቲ። ለመደርሰ እግል ክል ደረሰይ እንዲ ሰይሐ ወአድረሰ እግል ሊጊስ ሐቀመ ገብአ፡ ሐድ ዐደድ ደረሰ ዲብ ኦሮ ፈሰል እግል ልጸብዎ ቡ። ውላረት ህይ ለመሓግዝ መደርሰን እት ህግዩ እም ውብዕድ ጅንስ ምህር ዳልየቲ ሰበት ህሌት፡ ሐል እግል ልግበእ መሰኢት ህለ።

ሰላይ፡ ቀደም እለ ናይ ካልኣይ ደረጃት ምህርህም እተየ ደራሰ ዐለው?

በሊሴ፡ ምን ምግባይት ደረጃት ወለዐል አሰክ ደቀምሐሬ እነድኦም ዐልነ ወዲብ ደርሰ። ገሌሆም ህይ እተ አድሀዮም ለብዲቡ አካናት ደርሰ ዐለው። እለ ህይ፡ ለደረሰ ምን ዐደም እንዲ ትፈንተው እግል ልድረሰ ሰነ ድቁብ ሰበት ቲ፡ ለራቅቦም ሰበት ለሐግሎ ለአትካርም ዐለው። አክል



ለመጽኦ አካናት ገርበት፡ ጋድማይ፡ እት ምግባይ ደረጃት ለህለው ህይ ምን ከረ ገርገር ዳሕየት አይባቤ፡ ጋድማይ ወምሕላብ። ናይ ካልኣይ ደረጃት ምን በገሰ ወቅርሕ ቲ ለሬመ መሳፋት ለመጽኦ።

ሰላይ፡ አክል አዮ አፍሱል በ መድረሰትኩም፡ ካሬ ቲ ህይ?

በሊሴ፡ እለ መድረሰት፡ ሰዕ ፈሰል ሰነ ለብኩይ ብእተ። ሰበ ወሰክ አፍሱልመ ምን ዳሳት ባንደም ህሌት። ለመድረሰት አሰክ እለ ከነባት ወከራሲ ሰበት ኢመጽኦ እለ፡ ደረሰይ ዲብ ምድር ቲ ለልትገሰው። ለቀዳም ዐፍሽ እብ እስትዕማር ትገለመ፡ ወሐዲስ ህይ ኢመጽኦ እለ። እግል መደርሰንም ዐፍሽ ካሬ አለቤ።

ሰላይ፡ እት ውላረት ተዕሊም ለቀደምኩም፡ ጠላብ ኣላት መድረሰት ህለ?

በሊሴ፡ እት ውላረት ተዕሊም ደግም ጠላባት ኣላት ቀደም። ለአበረ ከራሲ ወክነብ እግል ነአትሳይ በርናምጅ ወዳይ፡ እግል ልትረኤ ቲ ሰበት ቤለውነ ህይ፡ እግሎም ገታኪ

በሊሴ፡ እብ ፍንቲይ ዲብ ናይ ካልኣይት ደረጃት፡ ሰእየት እት ረክቦ ገይሶ ህለው። እንሰር ደረሰይ መራቀብት ዋልዳኖም ረክቦ ሰበት ህለው፡ ፍገራት ሰይት እግል ለአምጽኦ፡ አሰክ ሳቀመ እብ እክቢቶም እግል ሊጊሶ ለህሌት ሰእየት ውቅል ቲ። መሰለን ሰነት ሓራት ምሰለ ሳቀ ትገይሶ ደውረት ክድመት ውጠን 98 ደረሰይ እግል ነአትብግሰ ቲ። በዲር ዲብ ደቀምሐሬ ነሓልፎም ምን ዐልነ ደረሰይ፡ እት ክል ሐል ዲብ ነቅሶ፡ አክረቲ ሰበ አው ሐምስ ሌጠ ልትከረው ዐለው። ፍገራትመ አክል እለ ለተአትናይት ይዐለት። እብ ፍንቲይ ህይ አዋልድ እት ቀበት እሎም ሳወ ለልትከረው እግል ትርኩብ ሰዱድ ቲ። እትለ መደት ጎነ ደረሰይ ናይ ሰላሲቲ መራሕል ተዕሊም መኣንብታይ፡ ምግባይ ወካልኣይ ደረጃት እት ሸፍርም ራክባም ሰበት ህለው፡ ሕናመ ምን ቅሩብ ሰዳይት እት እንወዳ እሎም፡ ብዝሓም እት ማትሪክ ክም ነአሻርኩ፡ አዋልድመ ህይ መሻረኩን እግል


ሚ በቃዕት እንዲ ጸብጠው እግል ልሕለፎ ከም ሰም በሊሴ መጽኦከ። እብ ናሶም ከማን፡ እት በሸሎ ወእለ ደረጃት እግል ንብጸሕ እንዲ ቤለው ሰበት ከድሞ፡ ደረሰይ ምን ወክድ እት ወክድ ብዕድ እት ዐባት ልሂርሮ ከም ህለው ቲ ለእንቀይሞም።

ሰላይ፡ መሻረኩት አዋልድ ሚ ትመሰል?

በሊሴ፡ መሻረኩት አዋልድ፡ እት መኣንብታይት ደረጃት ሰይት፡ እት ምግባይት ደረጃት ሸቢህ ወዲብ ካልኣይት ደረጃት ህይ እት ተሀገን ለትሂርር ቲ። ለአትሐውነ ለህለ አሰባብ ገሌ ምኑ ዶል እንረኤ፡ ምን ሳምናይ ፈሰል ወለዐል ለወለት እት መዳይን ብዕድ እንዲ ጊስት ምህርህ እግል ተአተላሌ፡ ለመጅተመዕ ኢረዲ እለ። ወእብሊ ምን ውላድ እንዲ ትከረመት፡ ፈዳብያትመ እት እንተን ግረ ተርፍ ህሌት። አዜ ላኪን፡ ልድራሰት እት ዐደን ወቅሩብን ተዐይረን ሰበት ህሌት፡ ምን ሹብያይት እንዲ አባረዩ፡ ለመጅተመዕ እት ሰድዮን ወጅህድ መደርሰንን እንዲ ገብአ እለን፡ እት ደረጃት ሰይት እግል ልብጸሐ ሰእየት ሰበት ህሌት፡ ለተራፈን ሐል እግል ልርኩብ ቲ እብል። መሰለን፡ እትለ ሰነት ጎነ ምነ እት ሳምናይ ፈሰል ለሐልፊዮ ልግበእ ወዲብ ካልኣይት ደረጃት ለትዐደዩ አዋልድ ለአትካረመት ምን ወለት ይህሌት።

ሰላይ፡ እት ዐረዮት ከአፎ ጋይላም ህሌትም?

በሊሴ፡ ዮም ዓመት 156 ደረሰ ህለው እግልነ። እሎም እት ሰለሰ ደረጃት ለህለው እት ገብኤ፡ አወላይት ሰነት፡ ካልኣይት ሰነት ወሳልሳይት ሰነት ለደርሶ ቶም። ዲብ ምህር እግል ዐባዩመ፡ እት ክልኤ አካነት ገቀዋ ካስታም ህሌት። ዲብ ገርበት ወምሕላብ ህይ ነአደርሰ። ኩለን መሻርኩት ምህር ዐባዩ አንሳት ቲ፡ 17 እሲት እት ገርበት ወ15 እት ምሕላብ ህለዩ እግልነ። ሳልሰ ሰነት ህይ ባጽሓት ህለዩ። ሸዐብ ናይ እለ ባካት ምን 1972 ወእንሰር እት መደት እስትዕማር ምን ገብእ ወመደት ሰውረት ደርሰ ሰበት ዐለ። ለኢደርሰ አዳም ህለ እግል ቲባል ኢትቀድር። ዝያድ 90 ምእታይት ምን ሸዐብን ቅዌት እብዳይ ቲ ምን እንብልመ አትራሳቅ አለቡ ዲብ።



መድረሰት ፍሬሰላም- ምሕላብ

እለ በቃዕትመ የዐለት እሎም። ክሱሰን አዋልድ እት ምድር ብዕድ ድራሰተን እግል ለአተላልዩ ቀድረ ይዐለዩ። አዜ ላኪን እለ መድረሰት ክም ትብኔት፡ እት ሸፍርም ወምሰል ዋልዳኖም ደርሰ ሰበት ህለው፡ ሐል እግል ልምጸእ ሰእየት ዋድያም ህሌት።

ሰላይ፡ ደረሰትም ምን አዮ መጽኦ ለልሄሩ መሳፋት ህይ?

በሊሴ፡ እት መኣንብታይት ለህለው ምን ጋድማይ ወምሕላብ ናሰ ለመጽኦ ቶም። ለሬመ ምኑ

ህሌት። ቀደም እላመ ናይ አርበዕ ፈሰል አትሳይ፡ ላኪን ለሐዳይንሰ ኣላት መድረሰት ሰገር ሰበት ወደ፡ እተ ሓለቲ ለገዲመት አቅበለ። አግደ መሕዝብ ናይ እለ መድረሰት ህይ ከራሲ ቲ። ዮም ዓመት እት እምትሓን ጅንራል ለሻርኩ 149 ደረሰይ ህለው እግልነ። እሎም ዲብ ከነባት ሰነ እግል ለአምትሕዮ ለወጅብ፡ ከአፎ ክም ገብእ ወተጠውራት ጀዲድመ ሕበር እግል ንርአዩ ቲ።

ሰላይ፡ ፍገራት ደረሰ ከአፎ ህሌት?

ልወቅሶ ሰእየት ብነ። እት እምትሓን ማትሪክመ ደረጃት ሰይት እግል ለአምጽኦ ለእንሰኤ ዲቦም ደረሰይ ምን ሰነት እት ሰነት ዲብ ወሰኮ ቲ መጽኦ ለህለው።

ሰላይ፡ እት ጅንራል ሳምናይ ፈሰል ህይ ከአፎ ትቀደም?

በሊሴ፡ እት ሳምናይ ፈሰልመ እተ እምትሓን ለሰድዮም ምህር ሰዳይት ነህይዮም። ምሰልን ሰበት ህለው ህይ፡ ለተጠውሮም ዲብ እንራቅቡ እንገይሱ። ምን ምግባይት ደረጃት እት ካልኣይት ለልሐልፎ ደረሰ



መጅልሰ አምን ወለዛልም ቀራራቱ ድድ ኤሪትሮፖ (27ኛ ክፍል)

እብ ዶ/ር አሕመድ ሐሰን ድሕሊ
ተርጀመት፡ መሐመድ እድራሰ መሐመድ

ሳልላይ ምዕራፍ

ብዕድ ፈደራልያይ አቃሊም (ክልላት) አቶብዩ ለሀላ እሉ መሻክልሙ፡ ምነ ዲብ ትግራይ ወወፈር ለሀላ ለልንኸኸ ኢኮን። ሕኩሙት አቶብዩ እግል እንዴ ፈናቱክ አሰተዕምር እስትራተጅዮተ እግል አተላላይ፡ ምሮ አቃሊም ድድለ ብዕድ ክምሰል ቀንጽ ወዴት። ሰበት እሊቱ ህዬ እሊ ምን ናይ መስኦልዮት ደሚር ሰፊመ ስያሲያይ ሄራር እሊ፡ ፍንጌ ትግራይ ወወሎ፡ ትግራይ ወቤገምድር፡ ዐፈር ወዲሳ፡ ዲሰ ወሶማል፡ ሶማል ወአርሞ፡ አርሞ ወቤንሻንጉል፡ ቤንሻንጉል ወአምሐረ..... ወለመሰሉ ናይ ሕዳድ መሻክል ካልቅ ህለ።

ሸዐብ አቶብዩ ድድ ስያሲት ፈደራልያይት ሕኩሙት ለሀላ እሊ፡ ዲብላ ዲብ ማዮ 2005 ለጉብኣ ሕርያን አከደዩ። እተ ወክድ ለህይ ሸዐብ አቶብዩ “ኢፋል እግል ስያሲት ንዛም መለስ ዜናዊ” እንዴ ቤላ፡ እግል መትቃውመት ተናዚም ሐረ። እብሊ ህዬ መትቃውመት ምን 23 መናብር ፓርላመ 20 እግል ልሕደሮ ሰበት ቀድረው፡ ንዛም አዲስአበባ ገጽ ቀደም እት ለሀርብ እግል ሸዐብ ወመትቃውመት አሕዛብ እብ ጅምለት እት ልእሰር ወለአትፋርህ ትረኣ። እግል ክርን ሸዐብ ሰበት ዘወረ ህዬ ናይ እድገዮ መራቅበት ሰቀው። ናይለ ወክድ ለህይ ሚርሓይት ልኡክ እተሓድ አርብ አናጎሚስ ዲብ ዮም 3 ኖቨምበር 2005 ምሰል ራድዮ ፈረንሳ ዲብ ወዴተ መቃብላት፡ ሕኩሙት አቶብዩ እግል ዲሞቅራቲያይ ዐሸም ሸዐብ አቶብዩ ክምሰል ሐንቀዩ ሐሰረት። ለሚርሓይት እንዴ አትሌት፡ “ ድወል ምውዳቅ ጸሓይ እግል ዲብ ረአሰ ሸዐብ ለለሸዐልል ጀራይም ለአጅረ መለስ ዜናዊ እግልሚ ዲብ እድንያይ ሙእተመራት እግል ልሻርክ ክምሰል ትላከወ ኢልትፈሀመኒ” ዲብ ትብል ሸርሐት። ዲብ ክርሰ ወካርጅ ለሀላው ስያሲዮን መትቃውመት ተናዚም አቶብዩ እብ ጀሀቶም፡ እግል ናይ ክርሰ ወካርጅ ስያሲት ንዛም መለስ ዜናዊ እብ ሸደት አትዐገበው። ለንዛም ለልተበዐ ስያሲት፡ እምበል አምጸኦት ደማር፡ መሻክል፡ ሐርብ፡ ሰፍረ ወጀሐር ብዕደት ፋእደት ክምሰል አለበ እንዴ አሸረት፡ ሐድ 10 ሚልዮን አቶብዩን እግል ሰፍረ ቅልጻም ክምሰል ዐለው አፍሀመው። እሊ አሕዳስ እሊ ፍገራት ስያሲት ሰውረት ተሕረር ሸዐብ ትግራይ እት ገብኦ፡ ወያይ እግል አቶብዩ እግል ትምረሕ ሓሰበት ክምሰል ኢተአምር እት ረአሰ ቆምዮት አምሐረ መርባት እግል አቅሰዮት

እበ ሐቲ ጀሀት፡ እግል ትግራይ ህዬ ምን አቶብዩ እግል ፈንተዮት እበ ብዕድ ክምሰል ሸቄ ልትአመር። ምናተ ዲብ ሰዳይት ጀብሀት ሸዐብዮት ተሕረር ኤሪትሮፖ ለረክበው እቲ ወክድ ሄራር አሰክ አዲስ አበባ ቀሊል እንዴ ገብኣ ክምሰል ፍረክበው አጃንደቱ ክምሰል ህሌተ እት ገብኦ፡ እግል አቶብዩ እብ ከማለ እብ ምልክ እግል ልምረሕ ጀረበ።

አጃንደ አቶብዩ ዲብ ሶማል
ወያይ ለትመረሐ ሕኩሙት አቶብዩ፡ ውሕደተ ለተአከደት ሶማል እግል ወጠንያይ አምን አቶብዩ ክምሰል ብቆት ሰበት ትርእዩ፡ እግል ፈንጠሮት ሶማል ዲብ ሸቄ ጸንሐት። ጀራደት “ ሪፖርተር” ዲብ ዮም 7 ጁን 2000 ዲብላ አጸንሐቱ ሰነድ፡ አቶብዩ ዲብ ሶማል እግል ትተብዑ ናይ መትፈንግር አጃንደት እንዴ



አሸረት እብ ክምሰል እሊ ለተሌ ሸርሐቱ።

ቀዳማይ፡ ሕኩሙት መርከዘዮት ሶማል እምብላ እብ ሕዳም ምዋጥኒን ናይ ሸዐብ ሶማል ሰዳይት አለበ።

ካልኣይ፡ አውለውያት ስያሲዮት አቶብዩ ዲብ ሶማል

1. ዲብ ቅብለት ደውለት ምድር ሶማል (ሰማሊ ላንድ)
2. ዲብ ቅብለት ምፍጋር ጸሓይ ደውለት ምድር ፑንት (ፑንት ላንድ)
3. ዲብ ምፍጋር ጸሓይ ደውለት ሃውዮ (ሃውዮ ላንድ)
4. ዲብ ምግብ ደውለት ረሓናውዮን
5. ዲብ ግብለት ህዬ ደውለት አጋደነዮን አሰሶት ቱ ለዐለ።

እለ ናይ አምን ስያሲት አቶብዩ ዲብ ሶማል ለትወዴሕ ወረቀት እሊ፡ እግል ደሰቱር አቶብዩም ለለሐሸም ኢኮን። ሰበቡ ዲብ ምር ምን ማዳቱ።

አቶብዩ “ ስያሲት ድወል እግል ተሐሸም ክምሰል በ ወዲብ ቅደይ ክርሰ ናይ ብዕዳት ድወል እዳህ እግል ተኣቲ ክምሰል ኢወጅብ” ሰበት ለአዘዘ። ክምሰልሁመ ስያሲት አቶብዩ ንዛም ወያይ እግል እድንያይ ቀዋኒን ለከይድ፡ እግል ሚሳቅ ኢጋድ፡ መዝመት ውሕደት አፍሪቀ፡ አልጃምዐ አልዐረብዮ፡ መዝመት ሙእተመር እሰላም፡ መዝመት ገዘ ለአለበን ድወል ወመዝመት ምጅልሰ ቅራን ለከይድ ወለልጸረርቱ ለዐለ።

ሕኩሙት አቶብዩ ዲብ ሰነት 2000 ስያሲት ዲብ ሶማል ምን ወደሐት እቲ ወክድ፡ እብ ሶማል ሕሰርት ኢተአምር። እግል መሰል “እግል ውሕዳት እተሓድ ሶማል እግል ዝብጠት” እበ ትብል ምሰምሰ ዲብ ሰነት 1992 እግል ወጠንያይት ስያሲት ምድር ሶማል ኪደት። እንዴ አትሌት ህዬ እብ መግሀፍ ናይ አሰሐባብ ዐሸመ ሶማል እግል ትካፍል ጀረበት። እግል ናይ መንጠቀት ተንዚም ኢጋድ ወመዝመት ውሕደት አፍሪቀ ዲብላ ወክድ ለህይ ምን

ይአመርቶም።
2. ሙበዘሐም ሶማልዮን እግል አቶብዩ ክምሰል ታሪካይት ዐዶ ሸዐብ ወምድር ሶማል ሰበት ለአሙራ፡ ዲብላ እብ አቶብዩ ለጉብኣ ዜረኖት ደማን ይዐለ እሎም።

3. አቶብዩ ጸጌዕ ናይ ገሌ ተናዚም ሶማል ሰበት ዐለት።

4. ሕኩሙት አቶብዩ እጅትመጻት ወጠንያይ ዕሬ እግል ልንጀሕ ናይ አምን ምራድ ምን ይአርኣ።

5. አቶብዩ እግል ፍንጌ ክልኢተን ድወል ለዐለ ታሪካይ እበ ወድመል እግል አሰረቶት ወራታ ወጠንያይ ዐሬ ሶማል እግል ዐውቶት ዛይድ ወቀይ እግል ልግበኣ ለተህዮዮ ታሪካይ በክት ተረግ እንዴ አበለት እብ ቃብል እሊ፡ ፍንጌ ተናዚም ሶማል ፍንቲቱ ወድመሉ እግል ወሰንት ሸቄህ። ሰበት እሊቱ ህዬ ተናዚም ሶማል ዲብላ ክሉ ለጉብኣ እጅትመጻት ዝያደት እንዴ ትፈናተው ርእዮት ለለትዕጅብ ኢኮን።

ኢፋሎታይ ዶር አቶብዩ ዲብ ሶማል

ሕኩሙት አቶብዩ እግል ሶማል ዲብ ላንድታት እግል ካፈሎት በዳሪታት ትቀድም ወእግል መናቢት ሐርብ ሶማልዮን ሰሌሕ ወሴፈ ተህይብ ዐለት። ምስተቅብል ሶማል፡ እግል ምን ናይ አሚሪካ ለኢትትፈንጌ አጃንደተ እበ ከድም አግቡይ ህዬ ትሉሉይ ጸገም ወዴት።

1. ለንዛም መለስ ዜናዊ ለአዳለዩ ወለመርሐዩ በዳሪታት ዕሬ ሶማል፡ እበ አሰልፍ ለእምቤሉ አሰባብ ክምሰል ፈሸለ፡ ዲብ ናይ ክርሰ ቀድዮት ሶማል እዴ ዛይደት ወቀራር እግል ተህሌ እሉ ለሐዘ ሰበት ዐለ፡ እግል ምን መራቀቡቱ ወኪን ላቲ እግል መሻክል ሶማል ለለአርሄ ምስዳራት እግል አፍሸሎት ተዐንደቀ። እብ ሰበት እለ ቀድዮት እለ እንዴ አሸረ ዶክቶር አሕመድ ኢብፍራሂም መሕሙድ ዲብላ ከትብዩ ክቱቱ አቶብዩ እግል ምን ካይሮ ዲብ ማርሰ 1994 እንዴ

አሰተብደ አሰክ እትፋቅዮት ካይሮ ዲሰምበር 1997 ወእትፋቅዮት ጅቡቲ 2000 ዲብ ሚዳን ሶማል ለጉብኣ ለትፈናተ እትፋቅዮት ዕሪት፡ ቅብላቱ ክምሰል በዋረት አትአመረት።

2. ሕኩሙት አቶብዩ፡ እግል ዲብ ሶማል ለጉብኣ ልግበኣ ጅንሰ ሰለሕ እግል እልትነደእ ለመኔዕ ዲብ ዮም 23 ጁንዋሪ 1992 ለፈግረ ቀራር ምጅልሰ አምን ዕልብ 733 ኪደት። እብ ቃብል እሊ መኩብት ወውሕደት ሶማል እግል ብንዮት እግል ገብኦ ወራታት እግል ተኪል፡ እግል መናቢት ሐርብ ወሰብ ፍንቲት ወኢፍንቲት ተናዚም ሶማል ዲብ ዐንደቀት ተቅሪር መራባይ ሐሸም ዲብ ዮም 23 ጁላይ 2002 አሰክ ምጅልሰ አምን ዲብላ አቅረቡቱ ተቅሪር። አቶብዩ አሰክ ሶማል ከፊፍ ወክቡድ ሰለሕ ለጸዐዮ መካይን ክምሰል ነድኣት ሐሰረ። ምናተ ምጅልሰ አምን ድድ አቶብዩ ምስዳር ኢነሰኣ። መራቅባይ ሐሸም ሶማል ወኤረትሮፖ ዲብ ዮም ዮም 10 ማርሰ 2010 አሰክ ምጅልሰ አምን ዲብ ቀደመዩ ተቅሪርመ፡ ዮምን አግደ ዐዳገ አሰለሐት ናይ ሶማል ክምተ፡ አቶብዩ ህዬ እግል ሶማል ሰለሕ ወርሳሰ ለተዐንድቅ አወላይት ደውለት ክምሰልቱ ወደሐ።

3. ንዛም ስያድ ባሬ ምን ሰልጠቱ ለትከረ እቲ እንዴ አሰተብደ እግል ክልኣት ዕቁድ ታምም፡ ሶማል እብ ናይ ስያሲት ሐገሌብ ትትዐዘብ ሐቀሰ ጸንሐት፡ ሶማልዮን ዲብ ሰነት 2000 ዲብ ሙእተመር ዐርተ ጅቡቲ ወካይል አፍሪቀ፡ ዐረብ፡ እሰላም፡ አርቢን ወመዝመት ምጅልሰ ቅራን ዲብ ሻረከው እቲ፡ መትዐደዮት ወጠንያይት ሕኩሙት አሰሰው። ለእብ ሐርብ ኖሰኖሰ ብዙሕ ለተዐዘበ ሸዐብ ሶማል ህዬ ሰእዮት ወደ። ሶማልዮን እግል ሰልፍ ኢነት እምበ መተንኩቱ እግል ክሎም ሶማልዮን ለከምክም አሳሰ ወጠንያይ ንዛም ላተ ሕኩሙት እግል አሰሶት ውጡይ ስያሲያይ ቱለል ረክበው። እሊ ላኪን እግል ሕኩሙት አቶብዩ ሰበት ዮአሰከበዮ፡ ዲብ ማርሰ 2001 ዲብ መዲነት አውሰ ናይ መናቢት ሐርብ ሶማልዮን እጅትመፅ ዝመ። እግል ሕኩሙት ዐብደልቃድር ሰላድ ሐሰን ወድዮ ለዐለ ወጠንያይ ጸገም እግል አፍሸሎት ህዬ “ ምጅልሰ ዕሪት ወሐደሶት ሶማል” ለልብል ተንዚም ከወነት። እግል መትዐደዮ ሕኩሙት ሶማል እግል አፍሸሎት ህዬ እብ ገበይ ዐሰከርያይ ወሕዳቱ እብ ትሉሉይ ምድር ሶማል እንዴ ኪደት፡ እግል እንፍሳልዮን ጀጎት ሶማሊ ላንድ፡ ፑንት ላንድ፡ ጁብ ላንድ ወግብለታይ ምውዳቅ ጸሓይ ሶማል ሰዳይት ቀደመት። አቶብዩ እግል ድድ ሶማል ለትወድዮ ስያሲያይት ጸብኢት “እግል መጋብሀት” ዲብ ትብልተ ለአትመሳመሶት እበ።

ዓፍዮት ሽባብ ነጻይሽ (Adolescent Health)

ሽባብ ነጻይሽ (Adolescent) ለልትቦሌ ምን 10 -19 ሰነት ለዕምሮም ውላድ ወአዋልድ ቶም። እት ኤረትሮፕ እትሊ ዕምሮ እሊ ለሀላው ዝያድ 22 ምእታይት ልትዋገም። እሎም እብ ዕን ዓፍዮት እህትማም ፍንቱይ ለለሰትህሎ። ሰኒ ትረብው ምንገብእ መፍርየት ቶም። ተሀመለው ምንገብእ ላኪን ሙጅተመዕ ጸሩ ቀሊል



አሲደደ ሙነ ዑመር መሐመድኑር

ኢገብእ። መፍርየት ወመዐምረት እግል ልግቡእ ሆይ ዓፍዮት ነፍሶም። ዐቅሎም ወአክላቆም ለለረቴዕ በራምጅ እግል ልትረተብ እሎም ቡ።

ለለትሐዝቡም ብዙሕመ ምንገብእ። ዝያድ ተርኪዝ ለገብእ እቲ እት ጅመዕ እግል ኢልሸፈን ከአረይ ኤች ኣይሺ ወብዕድ እብ ጅመዕ ለለዐጺ ሕማማት እግል ኢልግቡእ። እብ ክሰብ እት ነፍሶም ለመጽእ ተቅዩር ዐለሞቶም። መደረት ህዳይ ተሐት ዕምሮ ኣትኣመርቶም። ምን በእስ ወእምቢጋሮ እግል ልንጀው ክላፍክ እብ መፋህመት ክም ሰክብ ኣትኣመርቶም። ሰው ሕሽመት ወእሕትራም እግል ውላድ ወአዋልድ እግል ለሀይ ደግሮ ኣወልፍ ሰጃይር። ክምረት ወብዕድ ዓላብ ለለበውር ኣጃት ሰኒ እንዲ ፈሀመው እግል ልትራዮሞ። ውኅን ነብራህም እግል ኢልሐምርን ወምን ሰክክር ወብዕድ ዲራይ ክበራት ኣሰዋግ እግል ልትዐቀቡ። ምን ብቅት ትራፊክ። ውሐዝ። ተርቅ እት መራታት ወከዋፍት ማይ እግል ልትሓዲዙ። እት ተዕሊም እግል ልፈደቡ። ፊትቲ ርያደት እግል ልግብእ። ምህንት እግል ልትዐለሞ ለሰጺ በራምጅ ኤተኖት ምን እግል ዓፍዮት ሽባብ ነጻይሽ ምህም ላቲ ጋራት ቱ። ውዛረት ዓፍዮት ወመሕበር ወጠን ሽባብ ወደረሰ ኤረትሮፕ እግል እሊ ዕምሮ እሊ ብዙሕ እህትማምተ ለተሀይሮም።

ፈሬዕ ውዛረት ዓፍዮት ምዳርየት ነቅፈ ክምላ ብዕድ እትላ ወጠን ለሀላ ኣፍራዕት። ምር ምን ክፍማት ዓፍዮት ሽባብ ነጻይሽ - ደንግል ወአግጹሕ ቱ። ሴድያይት ኔርሰ ሙነ ዑመር መሐመድኑር ሐሴን ሆይ ሐቲ ምን እትላ ክድመት እላ ፍሩራም ለሀላው ሐካይምተ። ሀቲ። እት ረአሰለ ርአሰት ኔርሳት ግብአተ። ጌምያይት ወመሐብራይት (counselor) ተ ወእት ኣተረዶት ዓፍዮት ሽባብ እብ ሕሰር ትሸቁ ለሀሌት ቱ። መለሀይን መሐመድ እድሪሰ መሐመድ እት መንተዘህ ነቅፈ ምስል ሽባብ እምሕብርት ዲብ ሀሌት እግል ለትሃግዩ በክት ራክብ ዐለ እግሉ ለሀበተ ጠቢዐትለ ሸቅል ወተጃርቢ ልትክሰሰ ሐብሬ ሆይ እብ ክእን ክምክምት ሀሌት።

ውዛረት ዓፍዮት ክል ነፈር ሐኪም

ነፍሱ እግል ልግብእ እብ ክሰብ ዓፍዮት ሐብሬ ራትዐት እንዲ ረክቦ ምን እንዲ ሐመ ልትሳሬ ምን ቀዳሙ ምን ሕማም እግል ልትነጃ ዕልም ዓፍዮት እት ክል ዕያደት ተሀይብ። ዲብለ ሙነ ትሸቁ እተ ለሀሌት እስብዳልየት ነቅፈ። ሳምን እብ ግዲደ ክል ፈጅር ሐካይም እት ከሸፍ እንዲ ኢልትብገሶ ምን 10 ደቂቀት ለኢልሐምር ወምን ርቡዕ ሰዐት ለኢራይም ተዕሊም ዓፍዮት ልትሀየቡ። ለአርእስ ሆይ ለትፈናተ ምስላ እት ሙጅተመዕ ልትረኤ ለሀላ ወእግል ልትረኤ ለቀድር ሕማማት ለገይሱቱ። ለሸዕብ ሆይ ለትሀየቦ ሐብሬ እብ ተኣስትህል ልትነፈዕ እብ። መሐደረቱ እንዲ ሰምዐ ገዩስ እንዲ ኢገብእ ልትሰኣል ወትሰኣልክህ ምንገብእ በልሱ። ለልትሰኣል ወበልሰ ሆይ ልፍህም ወለአምር ለሀላቱ። ደወ ዲብ ልትሀየብ ከፎ ወሚዶል ልትነሰእ ኣክልሐድ ኣሰክ ልፍህመ ልትሰኣል። እግል ለአቅብል ምንቡ እተ ትበሀለየ ዕለት ለአቀብል።

ሴድያይት ኔርሰ ሙነ ዑመር መሐመድኑር ሐሴን እት ሙንተዘህ ነቅፈ ምስል ሽባብ እንዲ ኣመሕበረት ትመክር ወተዕልም ለጸንሐቶ ሳሕሬ መሐመድ ለሕክምን እት ዓፍዮት ሽባብ ሚ ክም ለአወቁ ትሰኣለዩ።



እት ዓፍዮቶም ምንገብእ ወእት ሐያት እግል ልታለም ለልሐይስ መካይድ ሰኒ እብ ክሰስ ክም ጌምያይቶም ክም ትሸቁ ኣሰኣለቶ። እት ረአሰው ለዲብ ዕያዳት ወእቅሱብዳልየት ለልትሀየብ ዕልም (ሕሰስ) ዓፍዮት እትላ ሽባብመ እግል ልብጸሕ ሰበት ለአስትህሉ ዲቡመ ክም ተሀይሮምቱ ኣፍህመቶ። ምስላ ሽባብ። እብ ሰናት ለመጽእኢራቴዕ ጨቅዋ ከፎ እግል ልትባልሐ ምን ቀድሮ። ወሚ መስል ጨቅዋቱ ለመጽእኢም። ለሽባብ ልትነፍዑ ኣብሳር ከፎቱ ወመቃብሉ ሚ እግል ልግብእ ቀድር ምስሎም እንዲ ኣመሕበረት ተሐይስ ተሐምቅ ልብሎ ወለሐሰት ገቢይ እግል ልሕረው ለምዋርቅ እግል ልርአው ትሰድዮም። ለገብእ ሻብ ኣው ሻበት ሙሽክለት ሳደፈቶም ምንገብእ በደል ለአዝሞ እብ እት ጌምያይ እንዲ መጽአው ሐል እግል ልባሰር እላ ትመክሮም።

እት መጃል ዓፍዮት ሆይ ለእት ሽባብ ልትረኤ። ክም ኤች ኣይ ሺ። እብ ጅመዕ ለለዐጺ ሕማማት ክም ከረ ሐለግ ወበጀን ነፍሶም እንዲ ሐጀበው ከፎ ክም ልትሰለሞ ምን። ረክቡም ምንገብእ ሆይ እብ ክጅል ልግብእ መኢአምር እግል ኢልክዝሞ እቡ እት ጌምያይ እንዲ ቀርበው እግል ልትሳረው ምን ገቢይ ተኣርእዮም።

መዲነት ነቅፈ ሽባብ ምንክል ኣካን ኤረትሮፕ ትመጽኦ። መዳርሰ ቦርዲን ወቴክኒክ ሀላ ዲብ እሎም ሽባብ እሎም ምን ዐዶም ረዩም ሰበት ሀለው ለገብእ ለረብሸም ኣው ለሻቅሎም ኣሸያእ እግል ለሀሌ ሰበት ቀድር እት ዓፍዮቶም ጀላብ እግል ለሐፍዞ ጌምየት ዓፍዮት ምስል መሕበር ወጠን ሽባብ ወደረሰ ኤረትሮፕ እት ልትሳዲ ምን ሕማም ወነፍሱያት እግል ልትሰለሞ ለቀድረ ሰዳይት ወዲ። ዕልም ዓፍዮት እግል ለሆሮም እት መዳርሰም ገዩሮም። እት መክተብ መሕበር ለዐዘሞም ወእብ ኖሶም መጽእምም።

ዓፍዮት ወለት ኣንሳይትመ ምን እት ጀድወል ለሀላቱ። ክሸቦ ኣንሳይት ወመደረቱ። ህዳይ ተሐት ዕምሮ። መትነጋብ ምን ለኢትበርመጃ ዕምሰነ። ሐድ ወዐቂብ ነዳፈት ገሮብ። ዓፍዮት እም ወውላደ ለከምክም ድራሳት

ብዙሕ እኩባም ሰበት ሀለው ሐል እግል ለአምጽኡ ክም ቀድሮ ተኣምን ሙነ።

አዋልድ እማት ፋህማት እግል ልግብእ። እሊ ሙጅተመዕ ኤረትሮፕ እም ፋዝዐት። ሰቅፍት ወፋህመት። ዕያላ ሰኒ ለትረቤ። ለትመውን። ለተኣነድፍ። እት ዓፍዮቱ ለተሐፍዝ። ክታብቱ ክም ለአተምም ለትወዲ ትትሐዜ ወእላ ትመስል እም እግል ልግብእ ምን ኣዜህን ዕልም ናሬዕ እግል ልርከብ ሙነ ለብእቶም ጌምየት ዓፍዮት ልትጀህዶ።

ሐካይም ኣንስ ወተብዐት ሰው ፈህም ወዕልም እግል ለሀሌ እሎ ልትጸገሞ። እብ ኣሳስ ክልቀቶም ሆይ ዝያድ ኣንሳት ለኸሰሰ በይነን ለአደሩሰንቱ ወናይተብዕንመ ክምሰልህ። ክሎም ናይ ክሎ እግል ለአምሮ ደሩራቱ ክም ቀልሶም እግል ልትሃገው ወልትሰኣሎ ሆይ ሕርየት ሰበት ለሀይሮም ክል ጅንሰክ በይነ ለጀምዕም እቲ ሕሰስ ልትክዘም።

ጌምያይት ዓፍዮት ሙነ እት ነቅፈ እላ ምህመት እላ ቀደም 20 ሰነት እት ሰነት 2002 እብ ሐዳም ኣንፋር ኣንበተተ። ነብዝሐ ወነዕየትለ ድራሳት እንዲ ትወሰክ ወትፈይሕ ላመ እተ ሻርት እት በዝሐ መጽአው። ምን ህተ ኣፍራቶም ውላዶም ወአዋልዶም ዮም

ወበሳርያት ዐለየ ወእሎም ምድር ለሐረረው ኣፍረዩ። እላን ኣዋልድን ሆይ በክተን እንዲ ሰነ ተዕሊም ምን ደሀረ ኣሰክለ ትወቀለ እብ ለሀ ውጃድ እላን ሀላ። ክምን ንዕመት ተዕሊም እግል ለአውሕደ ኣለበን ወለት ተዕለመት ምንገብእ ፈጅር እምተ ወእም ዕልምት እት ሐንቲህ ለሀሌት



ሻብ ኢሕመድ መሐመድ

ዓይላት ወክሎ ሙጅተመዕ ዕሎምቱ። ከእን እብ ተዕሊም እትፋነዮን። ህተን ልግብእ ወሐውን።

መስሎል መሕበር ወጠን ሽባብ ወደረሰ ኤረትሮፕ ምዳርየት ነቅፈ። ሻብ ኢሕመድ መሐመድ ሰዲድ ምር ምን እት ሐንቲህ ለትረብውቱ። መዕጸም ወመትሰባል ሙነ እት ወሰፍ ሆይ “ኣሰክ እላ እት ሚዳን ንዳል ለሀሌትተ ሙነ እንብል ዲብ ነሀርክክ። እግልሚ መዳይን ክም ኣተ ጸሩ ለተሐደረ ምን ወለግረፈ ሰበት እንረኤ መሀተ ኣሰክ እላ ክም በዲረ ሰበት ሀሌት” ልብል። እንዲ ኣትላ እላ ህተ ዋደዮቱ ሀሌት ሰኒን ዕምሮ ናይ ምር ጂልቱ ላኪን ህተ ኢተህኪት ዶልክ እብ ኣፍካር ጀዲድ ትመጽእ። ሙነ እትላ መክተብ ኣካን በ ወዲብ እላ ኣካን ለትፈናተ እግል ሽባብ ለነፍዕ ምህር ዓፍዮት ወምክር ተሀይብ። እብ ፈርድ እንዲ መጽአው መሻክሎም ለሸሩሕ እላ ወግማተ ለነሉእ ሀሌ። እብ መጅሙዕት ለተኣክሶም ሀለው። ለመሕበር እት መዳርሰ በርናመጅ እንዲ ነዘመ ለልዐዝመ ዲብ ሀሌ። ለተውዕያት እብ ክሎ ለልትሀየብ ምንማቱ ናይ ሙነ ፍንቲት ለትወድየ ለገቢይለ ተቅዲማቱ። ለተሀይሮ ማዕሎማት ምን እት ሸቅል ለትርእዮ ወእት ሐያተ ለጀረቡቱ እብ ኣምሳል ሰበት ትረሸዱ ለሽባብ ለአሙነ ወልትክብተ። መሕበር እት ናይ ሐምስ ሰነት ስታቱ ፈላዕት ዓፍዮት ሽባብ ምን ኣውለውያቱ ዋዲህ ሰበት ሀላ ሙነ እት ሰርገል እላ ስታት ግዴተ ዐባይ ክምተ ሸክ ኣሀላ።

ሻብ ኢሕመድ እት ደንገብ ለሽባብ ምን ሙነ ዕልም ዓፍዮት ሌጠ እንዲ ኢገብእ ምን ናይ ንዳል ወሐያት ተጃርቢ እግል ልትዐለሞ እግል ልክሰሶ ምን እንዲ ትፋኑ እላ መርከብ ክም ሀላ ለኢልአምሮም እብለ መናሰበት እላ እግል ለአምሮ ክምክር ወሐብሬ ዶል ለሐዙ ለዘይድ ምንገጽ ምሴ እግል ሙነ እግል ልርከብ ክም ቀድሮ ሐበረ። ሐይሳም ቁርኣት ዓሙድ ዓፍዮት። ሙነ ሚዶል ንዳል ፈግረት ወናይ ንዳል ወሕርየት ተጃርቢ ሚ መስል እተ ተሌ ዋብዐት ዲብ ዓሙድ ዕንጃረ እግል ንክተብቱ።

ወራታት ሐርሰ፣ እት ምዴርየት ገለብ

እት ለሐላፍ ወክድ ሰብአዊ ጅራይድ ኤሪትሮፕያ፣ አስክ ምዴርየት ገለብ እንደ ተሰጠው ሐላፍ ሐርሰ ምዴርየት ገለብ እግል ልደለው ምሳል አሰይድ ዘክርያስ ኪዳኔ መመቅራታይ ፈሬዕ ውዛረት ሐርሰ ምዴርየት ገለብ መቃብላት ዋናው ዓለው። ታምም ጽበጥ ናይላ መቃብላት ሆኖ እትላ ናይ የም ጥብባትን እንቀድመ እግልኩም፣ ከቅራኑት በኪተት።

ሰአል፦ እትላ ምዴርየት ሚ ለመሰል ነግጣት እቡ ትቀንጾ ህሌኩም?

በሊሱ፦ እትላ ምዴርየት እብ ሰለሰ ፍርዕ በህላት ሕፃዘት ማት ወትርበት፣ ራዕዮት እንሱሰ ወራዕዮት ብቅል ወሐመሊት ዲቡ እንክድም። እትላ ምዴርየት 11 እዳራት ደዋሐ ህለዮ። ምን ወሬሕ ሐቲ እንዴ አንበትን ሕፃዘት ማይ ወትርበት እት ግራህ ሐረሰቶት እንሸቁ ህሌኑ። እሊ እብ ጨበል ወእብ እበን ለልትሸቁ። እሊ ሸባብ እሊ ሆኖ፣ ምሳል ሸባብ ለልትጸበጥ ዐቢ ተጃርብ ለህላ እግሉ ሰበት ቲ። እግሉ ትሩድ ዋካ እብ መጅሓፍ እንዴ ወደ ወእብ ሰዳይት አብዕረት ክም ልትሳዌ ወድዮ ወላ ማይ ግሪ ክም ለአቀብል ገብእ።

ሰአል፦ እትላ ምዴርየት ሚ

ተትሐዜ ሰበት አዘልመት፣ ምን ናይ ክልኤ ወሬሕ ወኪን ለልሐልፍ እትይ ልትረከብ ኢጸንሓኒ። እሊ ሆኖ ምሳል ሐረሰታይ ለክድሙ ወላ ለአሸፍኖ ትርእዮ እት ህሌክ ተባብ ሌግቲ ለዐለ። አዜ ላኪን ለአርድ እብ ሐረሰቶት ሌጠ እንዴ ኢገብእ። እብ ናይ ሕበር ክድመት ልትሸቁ ሰበት ህላ፣ ዝላም ሰኔት ትረከበት ምንገብእ እትይ ሰኔ እግል ልትረከብ ምን ሰብ ሰእዮት ሕኑ።

ሰአል፦ እትላ ምዴርየት እብ መሰዮ ወለመድ ለልትሐረሰ አክል ኢይኢ ሄክታር መልኮ ህሌኩም?

በሊሱ፦ ዲብ ወክድ ከረም ሌግ ለልትሐርሰ 3500 ሄክታር ህላ። እብ ጀሪፍ በህላት መሰዮ ለልትዘራእ ሆኖ ሐድ 800 ሄክታር ለገብእ ህላ። እሊ ሆኖ ግሩም ገጽ ቀደም ጋይሳም ክም ህሌን ለለርኤቲ። እብ ፍንቲይ እብ ኩዳር ወሐመሊት ወእብ ዝያድ ሆኖ እብ እትይ ድንሽ እብ ደረጀት አቅሊም ምዴርየትን አወላይት ተ ለህሌት። እሊ ሆኖ ምሳል ለህላ እግልን ርዝቅ አርድ ከምሳልሁም ገብእ ለህላ አሸቃላት ናይ ከዋናት ወራህያታት እት ሐንቲሁ እንዴ ገብእክ ናይ ጀርዲን ካድም እግል ቲዴ ለልአትናይት ቲ። እምበልሁ እሊ ሸባብ እሊ እብ ጠቢባቲ እግል እክደም ወእንዴ ከደምኩ እግል እርከብ ለትብል ንዮት እብ ለቀንጽ

ምሳል እሊ አግል ወአግሎ ሐድ 30 አልፍ ለብእ። እንሰ ወአዱግ መ እንመልክ። ምናተ እትላ ወክድ እሊ መሻክል ናይ አካናት ርዕዮ ሰበት ህላ አስክ ቀላቅል እትሰብክ ወአስክ በርክ እትገይሶቲ ሓላት ርዕዮ ለአተላላ ለህላው።

ሰአል፦ ምድር ቃትረ ሆኖ ህላ እኩም?

በሊሱ፦ እትላ ብዙሕ ልመድ ኢኮን፣ ምናተ ዲብ ዋካ ዜን ሐቲ አካን ህሌት እግል። ከምሳልሁም አጀንደ ለልትባህል ደብር ናይ እዳራት ደዋሐ ገለብ ህላ እግል። ዲብ ሐዘበት ናይ አሐ ሆኖ እዳራት ደዋሐ ኢይባበ ህላ እግል እሊ ሆኖ ዲብ ሸርፍ ንዋይ እግል ልውዐል ዝያድ ተዕቢኣት ለትሐዜን ህላ ወእግላ እንወዴ ህሌኑ።

ሰአል፦ ሕግም ንዋይ ክቡድ ለሳደሬኩም ህላ? መዳላይኩም እግል ክሉ ሆኖ ከአይቲ?

በሊሱ፦ ብዙሕ ክቡድ ሕግም ለሳደሬን ኢህላኒ ሐት-ሐቲ ዶል ላኪን እሊ ሕግም አቀልጦት ሳድፍ፣ ከምሳልሁም ክም ከረ ሕግም ዐበቅ ለመሰል ወአብርመት ለሳድፍ ህላ። እግል ሳሪዮቲ ሆኖ ሐካይም ህላው እግልን ወደዋ ነህይብ።

ሰአል፦ ከዋናት ወራህያታት ለክሰህ ሆኖ እላ ምዴርየት ሚ ካድም ጋብእ ዲብ ህላ?

ወክድ እሊ ሆኖ ምን ወሬሕ 4 እንዴ አሰብዴት ንህብ አስክን ሳግም ሰበት ህሌት ዲብ 2,000 ለገብእ ቀፎ እግል ነብጽሑ ሰእዮት ህሌት። በዲር ናይ ቀፎ መሻክል ዐለ እግል። እትላ ወክድ እሊ ላኪን ድሩሰ እንዴ ተህዩበ ለሐረሰታይ ናሱ ለሸቁቡ አግቡይ ነአደርሱ ሰበት ህሌት። ለበዘሐ አዳም ዲብ ንህብ እግል ልትፈረር ቀድር ለልብል መሰኢት ህላ። አዜመ እትላ መዲነት ገለብ መዐር ለልትዘቤ ህላ፣ ህቲ ሌጠ እንዴ ኢገብእ ሰነት እብ ግዲደ እትላ ምዴርየትን መዐር ሐዜክ ምንገብእ እግል ትርከብ ትቀድር።

ሰአል፦ ግዳም ሐርሰቶት እግል ሰድዮት ወአትናዮት ሚ ካድም ገብእ?

በሊሱ፦ እግል ግዳም ሌጠ እንዴ ኢገብእ። እግል ለአፍሩ ለቀድርመ ሰዳይት ትገብእ። ክም መሰል የም ማመት ሐድ ክልኤ ኩንታል ዘርእ ሕሩይ ድንሽ እግል ሐረሰቶት ተህዩብ። እምበል እሊ ዲብ የም 15 ማዮ አምዕል ሐረሰቶት እግል እብ ካድምም መሰል ላቶም ሐረሰቶት ናይ አላት ጃእዘት ክም ልትህዩብ ወዴ ህሌት ውዛረት ሐርሰ።

ሰአል፦ ንሱቅ ሐርሰ ለልቡሉ ሆኖ ህላ እግልኩም?

በሊሱ፦ አይወ ህላ። እሎም ምን ተሐት ከዋናት ለአፈሩ ለህላው



አሰይድ ዘክርያስ ኪዳኔ

ለልቡሉ ሸቅል አክልአዩ ካድምም እቲ ህሌኩም?

በሊሱ፦ እሊ ጅብህት ሸባብየት ዐድ ክም አቲት ምን ሕርየት ሸቁ እቲ ለህሌት ቲ። እት ግራህ ሐረሰቶት እንዴ ትክምክ እብ ሕበር ሸቅየት ምን ነአሰብዴ ላኪን ገሌ ክልኤ ሰነት ዋናው ህሌት። ምሳል እሊ ለእንርእዮ ሆኖ መርከብ ሸትል ሰበት ህላ እግል። አስክ አድብር እንዴ ግሰን ሸትል ሸትላትቲ እሊ ሆኖ ሐድ 300,000 ለበጽሕ ቲ።

ሰአል፦ ምሳል እሊ ክልዶል ለገብእ ሸትል ለቃባት አክልአዩ ለዐቤ ህላ?

በሊሱ፦ እሊቲ ለልአሰፈኑ ክልዶል ሆኖ ምሳል እዳርየን እዳራት ደዋሐ ለንትሃጌ ዲቡ ወታዕቢኣት ለእንወዴ ዲቡ ለህሌናቲ። ክልዶል ሸትላት ሌጠ ኢኮን ለምሆም ዲብ ሚ ሓላት ህላ ታብዮት ወዲብ ሚ ደረጀት ባጽሕ ህላ? ራቀቦት በህላት አክል ኢይ ሸትልቲ ጸብጠ ወለዐቤ ለህላ አመርት ሰኔ ምሆምቲ እሊቲ ሆኖ አሰፍን ለህላ። እብ ሰብብ ናይ ዕቅብት ወእንዴ ሸተልኩሁ ዝላም ሰበት በጥር ምን አክል ኢይ በቅል ዶል ትርእዮ እሊ መሻክል ህላ።

ሰአል፦ ሸባብ ዕጩ እግል ኢልቅረጭ ወእብ ሰበት አርድ ባዶብ እግል ኢልግበእ ሆኖ ኢልአሰፍኒ?

በሊሱ፦ ሸባብ እብ ሰበት በቲክ ዕጩ እትላ ወክድ እሊ እንዴ ፈዘዐ እግሉ ሰበት መጽአ ወድዮ ኢህላኒ። እግልሚ እምበል ዕጩት ሐዶት ክም ኢህሌት ሰበት ፋህመ ወአመራ። እምበልሁ ለዴቅብትመ ፋዳብያም ሰበት ቶም፣ እግል ለክልጥ ዲብ ጀዘ ሰበት ለአብጽሑ እግል ኢልክለጥ ለሰዴቲ። ሰበት እሊ ክሉ ግሩም ህላ እግል ኢብል አቀድር።

ሰአል፦ እት አክር ለኢህረሰፍሁ ምን ለህላ?

በሊሱ፦ እግል ሸባብ እግል ኢብል ለሐዜ፣ ክልዶል ለትፈናተ ባልዲን መጽእ እት ህላ፣ ሸባብ እግሉ ለዳፍዕ እብ ሕኩመት ለትክም ጃንብ ክም ህላ እንዴ አመረ አገድ እግል ለሐርበር። ክምሳልሁም ዲብ ሐርሰ ወንዋይ እግል ሳሪዮት ለልውዕል፣ ምን ክል አካን ደዋ አምጽኦት ዴራይ ክምቲ እንዴ አመረ እግል ልትሓፈዝ ምን፣ ምሳል ውዛረት ሐርሰ እት ልትጋሚ እግል ሊገሰ እትወሰ ወደሐንኩም።



ወሚ ዘርእቲ ለህላ?

በሊሱ፦ እሊ ምዴርየት እብ ዕን ሓላት ጀው ትርእዮ እት ህሌኩ። እት ክልኤ ትትክፈል። አርበዕ እዳራት ደዋሐ ሆኖ እሊ ርረ ለልትባህል ክም ከበሰ ለመሰል ሓላት ጀውቲ ለህላ እግሉ። እትላ ሆኖ ዕፋን፣ ሸዲር፣ ሸርናይ ወመሸላ ከምሳልሁም ቅርጡጥ ልትዘራእ። ለካልኦ ሓላት ጀው እሊ ናይ መሓዛት ለልትባህል ወድዋራት ቤት እሸሐቀን ለገንሕቲ እላን እዳራት ደዋሐ እላን ሆኖ ብልቲግ፣ መሸላ ዘርእ ሸዲር ወሸርናይ ላኪን ብዙሕ ኢዘረኣኒ። ለልትረከብ እትይ ሆኖ ዲብ ሓላት ዝላም ለረከዛቲ። ዝላም ቃዘረት ትረከበት ምንገብእ ሰኔ እትይ ልትረከብ። እትላ ለሐልፈ አርበዕ ሰነት ላኪን ዝላም ክመ

ሸባብ ሰበቲ፣ ወምሳል እሊ ገብእ ለህላ ናይ ሕፃዘት ማይ ወትርበት ሸቅል ለገርሀቲ ክም ትክደመት እግሉ። እግልሚ ፈዋክህ ወሐመሊት ይእዘርእ እት ልብል ልትናየት። እብል እት መሰተቅበል ምን እሊ ወለዐል እግል ንብጸሕ እንሰኤ ህሌኑ።

ሰአል፦ ሓላት ንዋይ ምን እንርኤ ሆኖ ከአይ ህሌት?

በሊሱ፦ እትላ ምዴርየትን አሐ ህሌት ህተ ሆኖ ዐራዶ ለልቡላ ናይ ዐድናተ። እምበልህን አዜ ምን ሰነት 2016 ነአትናብተን ለህሌን እላን ናይ ጋመሰ ለልቡላን ናይ ሐሊብ አሐ ህለዮ። ምሳል ለመድ ለአጸንሐ ላኪን ብዙሕ ተጠውር የአርኤናኒ። ዲብ ናይ ዐድን ላኪን ሐድ 12 አልፍ ለትብጽሕ አሐ ህሌት እግል።

በሊሱ፦ ከዋናት ወራህያታት እትላ ምዴርየት ህላ እግል። እት ክል እዳራት ደዋሐ ሆኖ ዶል እንርኤ እዳራት ደዋሐ ገርበት ሰለሰ ከዋን ህላ እግል። እዳራት ደዋሐ ገለብ ሆኖ ምሳል ናይ በዲር ሰለሰ ከዋን ህላ እግልን ዲብ ብዕድ ሆኖ ሐትሐቲ ህለዮ እግል። አዜ ልትሸቁ ለህላ ሆኖ ሐቲ ዲብ እዳራት ደዋሐ ገለብ፣ ወሐቲ ዲብ አይባበ ህላ ለአተመ እሊ እንዴ ተመ ክድመት እግል ለህብ ሆኖ እትፋኒ።

ሰአል፦ ዲብ አትፋሪዮት ወተዋብ ንህብ ከአይ ህሌኩም?

በሊሱ፦ እትላ እብ ደረጀት ወጠንመ ምን እንርእዮ ገለብ ናይ መዐር አርድቲ። ንህብመ ህሌት እግል። አስክ ሐድ 1,300 ለገብእ ቀፎ ንህብ ህላ እግል። እትላ

ሐንቲ እሊ 'ኒሃብ' ለልቡሉ ተንሲቅ ክምኩምም ቶም። እሊ ሆኖ እግል ሰልፍ ክሉ ድሙን ቅዛእ አፍሪዮት ለልብል ናይ ውዛረት ሐርሰ መብደኤ። እግል እሎም ሐረሰቶት እሎም እብ አውለውየት ሰበት ገንሖም እንዴ ጨቀጥን እንሸቁ ዲቡ ህሌኑ።

ሰአል፦ ናይ ሐሊብ ወንቲጀቲ ለልቡሉ መሸርዕ ለክሰህ ሚ ትመልኮ?

በሊሱ፦ እሊ አሉብናቲ፣ ወላ እግል እሊ መዲነት ለገብእመ። ምናተ ምን ሰነት 2016 እንዴ አሰብዴን እንክድም እቲ ህሌኑ። እግል ለትወተው እት ነአትናይት ዲብ መሰተቅበል ክሉ ሐሊብ ለረከብ እቡ ዲቡ እግል ንብጸሕ ሆኖ እንክድም ህሌኑ።

ሰአል፦ ሕፃዘት ማይ ወትርበት

ሸባብ

ዶ/ር ዑመር ዑሰማን



"ሽዕር እግልዬ ንሳልዬ ቱ። ሽዕር ርዝቅ ህግደ፣ ወግርመት መባልሰ ቱ።" እስታዝ ሰሌጣን መሐመድ አድም

ሰአል፡ አሰናይ ደሐን መጸከ እስታዝ ሰሌጣን፣ ምስል ነፍሰክ እግል ተአትአምረን?

በሊሱ፡ አሰናይ ደሐን ጸናሕክም። እግል ለሀብቱኒ ቱ በክት ወፍርሰት እግል ሐምድ እፈቱ። ስምዬ ሰሌጣን መሐመድ-አድም መሐመድ እትበሀል። እት ቅርፊ ትወለድት ወሐቆሀ ዐድነ አስክ ሀበር ጸዕደ አቅበለው ወዲቡ ዐቤት ወመድረሰት አንበት።

አወላይት ደረጃት ምህር እት ሀበር ጸዕደ፡ ዲብ ቤት ምህር ሸሂድ እስማዒል አዝሀሪ ደረሰኩ። ምን ሳድሰ ፈሰል አስክ ሳምናይ ህዬ፣ እት ወቅት ለሀይ እት ሀበር ጸዕደ ምግባይት ደረጃት ምህር ሰበት የዐለ፡ እት ዐሪታይ፡ ቤት ምህር ሳልሕ ጠጠው፡ ምግባይ ድራሰትቼ አንበት። ልግባእ ደአም መንበረት ሾለቢ ምን አጅል ድራሰት ቀዲረ ሰበት አቤቱ፡ አዜመ ምስል ዐመቼ እንዴ ገአኮ እግል እድረሰ አስክ አፍዐበት ገዐዝ። እተ ወቅት ለሀይ ሕፋን ወትልህየ ለፈቱ ሻብ ዐልቱ። አዜመ እት ድራሰት ፈዳብ ምንመ ዐልቱ፡ እብ ሰበብ ሐፋንቼ አስክ ነቅፈ ትቀየርኩ።

ሐቆ እሊ ክሉ አናመ ሸባህ እግል እብረድ ወዐቅል እወስክ አንበት። እት ቦርዲን ነቅፈ መድረሰት ስሙድ ህዬ ምንለ ዐልኩሀ ወለዐል እግል እፈድብ አንበት። ወላመ ዲቡ ዐለው ደረሰ ምን ክል አካን ለመጽእ ወመትጃግረት ፈደይብ ሰበት ዐለው፡ ምስሎም እግል እትጃገር አንበት። እት መድረሰት ስሙድ ነቅፈ ህዬ ምግባይት ደረጃት ድራሰቼ ከለሰኩ።

ምኑ ህዬ ካልአይት ደረጃት ምህር እት መድረሰት ቦርዲን ጸብረ ተዐዳኩ። ወምስል ዕሰረ ወሐቱ ደወረት ክድመት ወጠን ሳወ ትክፈቱ። አስክ ሳዋመ ህዬ ክም ክሎም ሐውዬ እርትሪን፡ ለለአትሐዜኒ ዕልም ዐስከርየት ወአካዳሚ እንዴ ነሰአኩ፡ እት ማትሪክ ረጅት ዲፕሎማ እንዴ አምጸኩ፡ ክልየት ማይነፍሐ አቱኩ።

እት ክልየት ማይነፍሐ እብ ደረጃት ዲብሎማ እንዴ ደሐርኩ፡ እብ ምራጃ እት ምዳርየት ሀበር፡ ክም መሰሉል መሐበር ወጠን ሸባብ ወደረሰ እርትርየ እንዴ ገአኮ ሸቅል አንበት። ምኑመ እት ምዳርየት ከርከበት ክም መሰሉል መሐበር ወጠን ሸባብ ወደረሰ እርትርየ እንዴ ገአኮ ሸቅቱ። ሐቆ ክልኤ ሰነት ህዬ እት ወብረት ተዕሊም አቅበልኮ

ወክም እስታዝ፡ እት መዲነት ነቅፈ አደርሰ ህሌኩ።

ከሻብ ሰሌጣ እንተ እት ነቅፈ ደረሰክ ወአዜመ ዲብ ተአደርሰ ህሌኩ፡ ምስል ነቅፈ አክልአይ ሻም ብክ?

ነቅፈ አካን ዲብዬ ዓባይ ተ። ክም እምዬ እትሰፍለሉ፡ ወምን እንዴ አሪምኮ እግል እንበር ይእተምኔ። እብ ለገአ ሸቅል ቅሩብ ሳፈርኩም ምን ገብእ ምዶል አቀብላቱ ለእብል።

ምስል እሊ ክሉ ሻምክ እግል ነቅፈ ለሸዐርካህ ሸዕር ምን ተሀሌ?

እት ክል ዒድ መትሐራር መዲነት ነቅፈ፡ እንዴ ኢሸዐርኮ የሐልፍ። ሐቱ ምን አሸዓርዬ 'ግል ኢበል እኩ-

ንዳል ቀበት ንዳል

መስከብ ሰልፍ አዳም ሐረት ውላድ ብክር
አሳስ ሐዳረት ዐለም እት ክል ክታብ ዝክር
መጠገሊ መማልክ ልትከሎለ እብ ክል እንክር
ዔማት ርዝቅ ራትዐት እብ በሐር ወእብ ምድር ገሉብ ሰላም ወደሐን እግል ሰሚ በዐል ክትል
ዐጃ ብሩር ምድረ ወብሩድ ሸማለ
ክልኤ ከረመ ወክልኦት ጽላሰ ምሉእ ግራየ ራክበት ምን ማል ሐላለ
ምሉእ ከሌበ ወቅዙር ዕማረ ሕራብ ጋሽ ወባይት ኢልትነገፍ ሰፋለ ሸበበ ወአግቀሩ ነብር እብ ሕዋለ

እሊ ክም ረአው ሰብ እኪት ረቅበው ዲብ ግርመተ ዕላመት ለእብ ትተመር ካየደወ ራየተ
ምድር ትመልአ ወድ ጋነ ሰብእ እንዴ ትሸተተ አክረመት ምን ሐርሰ ለርዝቅት ትርበተ ምንሕት አፊት ጠለቀት ወትሐምረገት ሻከተ ሰብእ ትቃየደ ወትቃጨፈት ሕርመተ

ሓሰድ ግርም ምን ልርኤ ኢልሐምድ ቅድረት መምባሁ ሞት ብእሰ ልተብኔ እግል ልውረሰ ግራሁ ዲን፡ ቃኑን ወዓዳት ለሰልአሰ ለኢከርግሁ ገጽ ቅብለት ለጌሰ ኢለአቀብል እንዴ ልብለ ሳርሓሁ ወሸፍር ቅብለት ክም ጠርቀ ረመጭ ትካይድ ሸክናሁ

መራር ለእብ ሰባት ተሐለፈት ምር ከእብ ቅድራቱ ማሉ ለሀበ ወዳሩ ምን ከሌቡ ወገርሀቱ ጋኔሶ ለሕድት ልትካፈል ደርሶ ምን ምርመቱ ወድ አምዒቱ ለትባልሐ ጀላብ ዳይመት ስምዐቱ እምበል ውጽዔ ወሕላሌ ለነዝፈ እግል ለሀበቱ ሰር ገርቡ ለቀብረ ወአብለ ዕምር ሸቡቱ ደሙ ለሀበ ወዓጭሙ ወትባልሐ ኩለ አርወሐቱ ጠምዐ ምን አለቡ ወጠን ደለ ሞልደቱ

ዕሩቅ እንቱ ለመቅጠን ወአምዒት እብ ብራቁ ትትይ እንቱ ለእገር ወወሪድ ናሸፍ ምራቁ ማይ ወዕጨይ እት ገርት ወሌሐፍር ሕፍረት ምውዳቁ ወላሊ ዲብ ጸለምት ሰዋትር ለመሪር ንዳቁ ኢሀበዩ ደርጊ ሰልሐ ወለ ውራቁ ቅብላት ምክላም አሰቀረ አባይ እብ ሰልሐ ወአርዛቁ

እሊ ገቢል ወምድሩ እብ ለምክላም ወጽዐ ድድ ጠቢዐት በጥረ ወአዳም ክምቱ ትረሰዐ ጀላብ ገቢል ወወጠን እብ አርወሐቱ ትብርዐ ነፍሱ ከረ ዲብ ከርበን ሰኔት እንዴ ሰርዐ እብ እግል ቡ ትብገሰ እግል ሕድቱ አግነዐ

ምሉክ ለጭቁም እት እዴ ክም ሞለው ልትዋሌ ዘነብ ለልትሰሐብ እብ አሰር ደለ ገዐዝ ልታሌ እግል ልትመወን ወልሕከም ለለአረብሐ እትባሬ እግል ልስረት ታርፊነ ወምን ሕድ እግል ንትፋሌ ድቁብ ለድቁብ ልትላኬ ሴድየት መአከይ ለአትሓሌ ኤማን ወሰባት ጽዋርን እብለታት ይእንባሌ

በደለ እግልነ ተብነው እቦም ትሰአለ ወአናደ ኢትፈንቴነ እብ ምድር ምንመ አንክሰው ለአግናደ ፈናተውን እብ ዐለይም ከሸዱል ቤለው ወሳደ ኢትፈንጠርን እብ አድያን ዐድነ አግዳነ አቅራደ ምር ቀልብ ወሐቱ እዴ ነአትሸንህ ምራደ ረአሰነ ትጽሂ ዝላመ ወረአሰነ ቀሰን ለእያደ አክሱም ለእብ ልትመክሐ መትሎሃ ዐለው ወሰጋደ



ግእዝ ለናይነ ልቡለ ግዕዝተ ለራትዐት ዕላተ ሕናቱ ሸመት ውላድ መምበረ ወህቶም ገብር ወዳደ

በደ ዲመ ነአብድዮም ብሀልቱ ለአድግ መካደ አትናደደ ደገጊት አዳም እት እሳት ለማደ ዘማት ሸፍር መዐብያዩ አብያት ጸሩ ለዋደ ዓቀቀ ዐመሲ ሞልደይት ምስል ውላደ

ቃረጨ አጥባይ ሕረም ሐራሳት ለእሳት ኢትዓደ ሐፋር አቅብር ሸሀደ ለዕዳይ ብነ ኢትፋደ ሐው ሕነ ልብለነ አሱር እንዴ አትባደ! ጸገም ወዕንዳቁ አሰሊትነ ለቡዲር እምርተ ፍራሰ ብነ ታማታት ዲመ ኢደንን አርእሰተ ዐድነ ዘማት ዛምተት አረይ ራፍዐት እት እንተ አስካመ ሕርመትነ ከራዊ ኢትመልእ ለዕንተ ቀበት ድፋዕ ተዐልል ሀርቦ ምነ ክርንተ

ግዊት ለባይን ሕዱደ ሰብእ እብ ሸክ ኢትሃገ ፍርሀት ለአርጭሕ ከሌብ ጽናዕ እትናቱ ሕዳገ ጽራት ለሕበር አለበ ይእንረድዩ ሐምራገ ምንቱ ለዓጸጸ ካፍለ ርሐ እንዴ አትናገ ንዳል ቀበት ንዳል አክረመ እተ ውላገ አበደን ደላላት ኢትአቱ ክም ብዳዐት ዐዳገ ዳይም ዝክር እግል ሹሀዳነ!!!

ሸባብ ፈተ ወጠንቶም እግል ልወቅሎ ሚ እግል ልውደው ስም ትብል?

አወል ክለ እድንዩ ሻበት ተ፣ ሻብ ትፈቱ ወህቶም ከዱመ። ሸባብ ምን ንአብ ቅዱማም ቶም ወምን ዓባይ ድህር ብህላም

ቶም። ከሸባብ ክብሪ ናይ ለአጅያል ለትጽብጥ ቶም እግል ኢበል እቀድር። ሻብ ሐምቀ ምን ገብእ ህዬ እብ ርሐ ሌጠ ኢኩን ለልትሀናእ፡ ምስሉ ንአብ ወዐቢ ክሉ ለክም።

ሸባብ ዔጸት ገቢል፡ ግርመት ወሕጌ ወጠን ቶም። መተራድ ወጠን እብ መትራድ ሸባብ ልትወገም። ወጠን ገጽ ቀደም እግል ቲበል ህዬ፡ ዋቂ ወፋህም፡ ዕልም ወምህነት ለመልክ ሻብ ለአትሐዝዮ።

ከእስታዝ ሰሌጣን እንተ ሻዕር እንተ፡ ወእብ ዕን ሴምዐትኩ አሸዓርክ መፈተይ ቱ ምንዬ እንዴ አንበትኩ። ሸዕር እግልከ ሚ ቱ?

ሸዕር ምን ሸዕር ለትብል ከለመት ለመጽአት ተ፡ ወእግልዬ ህዬ ንሳልዬ ቱ። ለእለ እግል ኢበል ሐዜ ክለ እብ ሸዕር እብለ ወእግል ኢበል ሐዜ። ሸዕር ርዝቅ ህግደ፣ ወግርመት መባልሰ ቱ።

እግል ሸባብ ለትብለ ምክር ምን ተሀሌ እክ?

ክል ዶል ሻብ ቅወት መልክ ወተቃርብ ፈቱ። ሐጫር ገበይ አክረት አለበ። ገበያመ ምን ረይም፡ ለራትዐት ወእት ዐውቱ ተአበጹሕ ገበይ ድራሰት ተ እብሎም። እሊ ለህሌነ እቱ ወቅት ሚዛን አዳም እብ አክልአይ ዕልም ቡ ቱ ለልትመዘን። ከሴፋነ ህተ ትግባእ እብሎም፡ ህተ ሰበት ገብአት ለዳይመት ርዝቅ።

እግል ተሐምዶም ለተሐዜ አንፋር ምን ለሀሉ?

እግል ክሎም መሳኒቼ፡ መክተብ መሐበር ወጠን ሸባብ ወደረሰ እርትርየ ፈራሪ ምዳርየት ነቅፈ። መክተብ እዳረት ምዳርየት ነቅፈ፡ ወእግል ክሎም እት መድረሰት ልግባእ ወምን ድራሰት በራ ለቱ አሸቃል ክም ፈን ለሰዱኒ። እግል ክሎም እት ካድምዬ መጦርዬ ለበጥር አንፋር ወእብ ፍንቱይ እግል መድረሰን እንዴ ይእፈናቱ እግል ሐምዶም ሐዜ።

ሐዘን ወግርመት

ኬትባይ = ያሱናሪ
ተርጀመት = የሰዓት እድረ ሰዓት

24^ይ ክፈለ

ምድር ዛሬም

ኡኪ እሊ እምበል ክጅል ምን ካይት ፈግር ለዐለ ሀገራት አትወጀባዩ ወሰኔ እትፍክር ኣተዩ። ወሐቆ እሊ ሻም ለከሰስ ዛገታት ምን ተኣፈግርመ ብዘሕ ወኢትወጀብ ዲቤ። ከኡብ ክርን ሕድት ክምእን እት ልብል ኣሽሪ።

- ኣናመ እተ ክምሰልሁ ክምጅን ህሌት። ወኢት እሊ የም ኣለቡ ሓጃት እርኤ እትኪ ህሌት ...

- ከፎ መሰለክ? ኣምረት ኢህሌት። ኣነ ረገሚት ሌጠ ኣነ። ክም ወሰፍ እግል እግበእ ላኪን ...

- ረገም ገሌ ሰኔ ባይን ላቲ ወሰፍ እግል ልርከብ ቀድር። ኬትባይ ላኪን። ኢፋላ። እሊ ህዩ ሰኔ ለኣትሐዘን።

- ከእነፈዐክ መሰሌክ ምን ገብእ ...

- እሊ ሰኔት ዐባይ ተ።
- ኣነ ኣዜ ለእቤለካት ወለ ለእለ ከተብክ እብዬ ምን ትከትብ ወለ ሐቲ ኢሊሀመኔ ላኪን ለለኣትሐዘን ጋር ህለ ምን ገብእ ለግርመትዬ ኣክል ግርመትላ እትረኣሰክ ለትትዋሰፍ እክ ወእት ሕልምክ ለትትረኤክ ወለት ኢበጽሐት ዶል ገብእ ቲ።

- እት ኣማን እግል ኣተንክብ ወጅብ። ሚተጅራዲ እግል እዋዋን ለኣትሐዘን?

- ክምሰል ምራድክ ምንባዩ ኡኪ።

- እላመ ትግበእ እት ኣኩን። ኣውሳፍ ረገም ወኣውሳፍ ኬትባይ ኣክል ኣሕድ በንበን ቲ።

- እሊ ቃውዮተ ኢህሌት።

ካይት ለሻፍቅ ርመሽለ ዕንታተ ገብብ ኣበለቲ።

- እሊ ለእለ ራሰመት ህሌት ለውሐት ወለ ናይ ንእሽመ ትምሰል እት ኣኩን። ምን ጠቢዐት ለትነሰኣ መሸተል ሻሂ ኢትመሰል። ለኣማን ላኪን ኣነ እት ደንገብ ርሕዬተ ለእለ ረሰምኮ ...

- ለጋር እት ኩለን ለውሐት ረሰም ክምሰልሁቲ። ኣማንዬቲ ማሚ? ለረሰም ምን ረኣሰ ልግበእ ሚዋቅዲ። ለወሰፍ እግል ረገም ክም ሰፈት ገርብ ቲ። ምናተ እግል ኬትባይ። ለወሰፍ ናይ ኡዳም እግል ልግበእ ለኣትሐዘን። ኬትባይ እብ ወሰፍ ናይ መንዘር ልግበእ መዕንባባታት ለወድየ ወለ ሐቲመ ኢህሌት።

- መንባዩ ኡኪ። ከኣነ ኡዳም ኣነ ኣኩን።

- ኡዳም ሌግ። እንቲ ግርመቲ ለኢትትወሰፍ ኡዳም እንቲ።

ኡኪ ብግረ እግል ትግበእ እግል ልሰደየ እዳሁ እት መጥያቲ ክምሰልሁ ለቤለዩ።

- እግል ረገም። እግሁ እት ቀደሚሁ ክሩይ ለህለ ወሰፍ። ምን ዲብ ለህለ ሓለት እግል ኢልትሐረክ ሌግቲ ለለኣትሐዘን። እሊ ህዩ እግል ኬትባይ ካሬ ኢኩን ...

- እሊ ላተ ቃውዮተ ኢህሌት።
- ኣማንኪቲ?

- ሰኔ። ሰኔ
ኡኪ ጅርኣትላ ሸንብሬብት ወጀብ ኡቲት እቲ ዐለት።

- ምን ኣመረ ለከትምየትኪ የምክን እግል ሐቲ ምን በጠላትላ ርዋያትዬ ወትነፈዕት እቤ።

ካይት እብ ሕንቃቄ ክምእን ትቤ።

- እሊ ላቲ ዐደድ እሊ ምህም ጋር ኢኩን!

ኡኪ እግል ለኣንሰሕብ እት ለሐዜ ክምእን ቤላ።

- እሊን ኣንሰ ከፎ ዐጃባት ተን! ገሌህን ዲብ ገሌ ምን ኣክትብትዬ ኣውሳፈን ክም ረኣየ



ደግመየ እግልዬ። ወኣነ በታተን ርኢህንመ ኢዐልኩ። ወሲመ ዕላቀት ለትትበህልመ ኢዐለት እዬ ምሰለን .. እሊ ህዩ ሚ ልትበህል?

- ብዘሓት እኪት ለጀረባየ ኣንሰ እት ክም እሊ ለመሰል ኣውሃም ሸፈ ወተሰጅዕ ሰበት ረክባቲ።

- ከክም እሊ ለመሰል። ፍክር ፋሰድ ኢመሰለኪ?

- ፍክር እሊት እግል ተኣፍሰድ ሰኔ ቀሊል ጋር ቲ መንባዩ ኡኪ። እት ሐያትክ ሐቲ ኣምዕልመ ትግበእ ክምሰልሁ እግል ትውዴ ጅሩብ ይእንተ?

ኡኪ እሊ ቲኩዩ ለይዐለ ሱኣል እብ ከኣፎ ክም በልሰ እቲ ትቀው ዲቤ።

- ወለ እሊ ለመሰል ጋር ትም እት ትብል እብ ናሱ ኣሰክ ጀሬ ዲብክ ትታኩዩ ዐልክ?

ኡኪ ምን ሐዲስ ትረብሸ። ወለበሊስ ኣዜመ ኣምሸሽ ምን።

- ለእለ ገብኣት ትግበእ እት ኢኩን። እሊት ኬትባይ ክም ወሰፍ ዶል ትነፈዕ እብ መሰለላት ሰኔ ፍንቲት ተመሰል ወእሊ ህዩ እብ ለሃሁ ፍደ ትገብእ ህሌት በህለት ቲ።

- ኣነ ነፍሰዬ ፍደ እግል እውደየ እፈቲ! ርሕዬ ጀላብ

ኣርት ፍደ እወድየ ዲብ ህሌት። እግል እንበር ለደርከኔ ጋር እንዴ ገብእ ልትሰመዐኒ።

ኡኪ ለሀገራት ካይት ዱርክ ዐጀብ ወፍክር ገብእ እቲ ዐለ።

- እሊ እብ ኣንክርኪ እንርእዩ እት ህሌት። እብ ምራድኪ ትወድዩ ለህሌት። እት ቅብላቲ ላኪን ምን ብዕዳም ፍደ እግል ልግብኣ ትቀዲሙ ለህሌት ጠለብ ...

- ኢፋላ መንባዩ ኡኪ። እሊ ዐገብ ቲ። ዳእመን ርሕክ ፍደ ለትወዴ እብ ሰብ። ሸንህት ኣው ትምኔት ናይ ገሌ ሓጀት ዶል ተህሌ እክ ሌግ ቲ።

- ከሰምዲ ካይት። ኣዜ እንቲ ነፍሰኪ ጀላብ ኣቲኩ ቲ ፍደ ትወድዩ ለህሌት?

ካይት ኢበልሰት።

- ለኣማን ረከብቲህ። ኣማንዬቲ ማሚ?

- ለመሰለላት የምክን ክምሰልሁ ትገብእ። ኣቲኩ ላኪን እሊት ቲ። ምናተ ሐቲ እሊት እብ ክም እሊ ለትመሰል ገብይ ረሐ እግል ካልእ እሊት ትትበረዕ እብ ዲብ ህሌት ሴመ ተወክ ኣለቡ እቲ።

- እሊ ለመሰል ረኣይ ለብዬ ...

- ለተኣፈርህ ጋሪት ህሌት ምን ገብእ። መን ኣመረ ሐቲህን እግል ሐቲህን ኢተኣብዲ።

- ሐቲህን እግል ሐቲህን ኢተኣብዲ ... ? ኣነ በታተን ርሕዬ እንዴ ትረሰዕኩ ፍደ ጀላብ ኣርት ነፈር ምን እንበእ ወይኣቤት። እንሻኣለ ወለ እግል ሐምስ ኣው ሰስ ኣምዕልመ ልግበእ።

- እሊ ክቡድ ጋር እንዴ ገብእ ልትረኤኒ። ወለ ሐቆ ህዳይመ ልግበእ!

- ቀደም እላመ እግል ህዳይ ለልትሰኣሎ እብዬ ዐባር ይዐለ እሎም። ኣነ እቀሰዱ ለህሌት ላኪን። እት ህዳይ እግል ለህሌ ለወጀቡ እህትማም ኢኩን መንባዩ ኡኪ።

ኣነ እብ ርሕዬ እግል ሕሰብ ለብዬተ ፍክረት ይእፈቲዮ። ቀደም እላመ ብህለትካት ዐልኮ መሰለኒ። ኣነ ናይ መሻዕር ሕብዕ ወሰትር ምን ቅደሰ ወለዐል ኣብዩ።

- ተህዳኪ ምን ገብእ ምሰለ እሊ ትትህደይ እናሰ ኣምዲላት እንዴ ኢትወዲ እት ቀደሚኪ እምበል እንትሓር ካልእ ሐል ለህሌ እኪ መሰለኪ ይህላ!

- እንትሓር ኢለኣፈረህ። ለትደጋገም ሺብት ወበቲክ ሰእየት። ዲብ እሊ እዲን ምን ለለኣኪ ኣለቡ። መሰል እግል ሀበኩ። በዴካመ ምን ገብእ ብዘሕ ኢሊሀመኒ። ላኪን ቀደም እሊ። እት ገሌ ምን ክቲብክ ክም ወሰፍ እግል ትንሰኣኒ ብዲብክ ...

ኡኪ እሊ ካይት እግል ተኣለሐቲ ማጽኣት ህሌት ለልብል ካጥር እግል ልእመኑ ይሐዘ። ህተ ምን ክምእን ለመሰለ ኣንሰ እግል

ልግብ

ላቲመጣወጊኻም

እናሰ ሰኔ ሓግል ወእሊቲ ምሰል ንብር ዐለው። ሐቲ ምሴት እሊቲ ለጭገረ ለሰኔ ረዩም ለትመሸዋ ወተኣትጋርም እቡ ምሸዋ እግል ልትሓይ እለ ትሰኣለቲ .. ለእናሰ ሰኔ እሊቲ እት እንቲ ኣቅመተዩ። ወእግል ልትሓይ እለ ክም ኢቀድር ሐበረየ .. እሊቲመ ኢናቀሸቲ ወእብ ገጽ ባርህ ግይጽ እንዴ ትቤ ትም ትቤ!

ኣምዕል ሓሪት። ምን ሸቅሉ ክም ትፈደሰ። ሱግ እንዴ ትከረ ለሳዐቲ እብ ሕድት ሰላዲ እንዴ ኣዘበዩ። ለእሊቲ ተሐዘዩ ለዐለት ምሸዋ ትሓይ .. ምሴ ምሸጡ እንዴ ጸብጠ ቤት እት ኣቅበለ ዲቡ ወቅት። እሊቲ ለጭገረ እትላ ረኣሰለ እዘን እንዴ በትኩቲ ጸንሐቲ። ወዲብለ እዲህ እግል ሳዐቲ ለትገብእ ምን ጅልድ ለትሸቀት ከቲነት ጸብጠት ዐለት። ዕንታተም ምን ኣናቤዕ መላእ እት እንቲ ኣሕድ ክልሕ ቤለው .. ለእለ ወደው በላሽ ሰበት ንሰ ኢኩን! ህተም ለእግል ኣሕድ ዐለት እሎም ፈተ ኣክል ኣሕድ ሰበት ገብኣት ቲ .. ወኣርቶምተ ክምን ርሐ እንዴ ኣዘመ ምራድላ መለሀዩ እግል ለኣትምም ምን ሐዛ ቲ።



ተብሰም



ኣርት ግሉል ተለፎን ኣሰክ ሸሪከትላ እትሳላት ወደ። ሙወዘፍለ ሸሪከት እንዴ ትከብተዩ። መርሐባቡ ሚ እግል እሰዴክ ተሐዜ ቤለዩ። ህቲ ህዩ እሊ ምሰልዬ ለህለ ሐብለ ትለፎን ሰኔ ሬመ እትዩ። እተ ገርክ ዲብ እንተ ሸውየ እግል ትሰሐብ ምን ትቀድር ማሚ ቤለዩ።

ትግበእ ኢትቀድር ወእት ረኣሰ እሊመ እግል ሐቲ ምን ርዋያቲ ሰኔ ሙህም ላቲ ወሰፍ እግል ትግበእ እሊ ትቀድር። ላኪን ምሰል ካይት እት ሻማት እንዴ ትካረ ከኣድመ ምን ምን ገብእ። እምበል ሸክ መካሪተ ክመ እተ ናይ ኡቲኩ። መሰረ ኣቲ ዕደደት ኣምራድ ነፍሰ እግል ልግበእ ቲ።

እተ ሰነት ለህ እተ ሐን እንቡተት ቀይም። ኡኪ ለሸፍቅ (እት ሐን ወዲቅ ጸሓይ ለልትረኤ ቅይሐኒ) ምን ለዐለ ዐክል እግል ልዕሬ ፋግር እት እንቲ። ካይት ምሰል ክልኤ ምን ለውሐትላ ረሰመ እት ዐድ መጽኣት ወታሺር ትከብተዩ።

ወክመ ካይት ናሰ ለደግመተ። ታሺር ኣሰክለ መሐጠትላ ባቡር በደል ሳርሐ። ኣሰክ ግንራራብለ ምሐጥ ረትዐ እቤ። ታሺር ለግርመትላ ሸንብሬብት ልቡ ክም ሰልበት ላቲኒ ሸክ ለለኣውዴ ጋር ኢኩን።

(ህቲ ኢኩን ለሰብ። ኡኪ ምን ጀናሁ በታተን ኢትቀድር። እሊ ህተ እግል ትደምሩቲ እት ልብል ሐሰበ)።

- ካይት ክምእን ትቤ። እሊ ለውሐትዬ እተ መክተብክ እግል ትሰቀለ እተምኔ።

ኡኪ ምን ረኣሰ ከናፍሩ “ኣፎ። ሰኔ እሰቅለ” ቤለ።



ክድመት ወጠን እት ኤረትሮፕ (1^ኛ ክፋል)

እት ሐልፊዎ አሌላት ቅሩብ ሳዋ፡ መድሐራት 36ይት ደውረት ክድመት ወጠን፡ ወዝክረት 30 ሰነት መትኣሳሰ መርከዝ ህይኣት ተድራብ መዐስከር ሳዋ፡ ክልኤ መናሰበት ምስል ሕድርት ዐለት። ከዲበ መናሰበት፡ ነፈር 1ይት ደውረት ክድመት ወጠን ላቲ ዘርኢት ወልደዬሱሱ እግል 400 ለገብኦ ኣንፋር ኣውላይት ደውረት ክድመት ወጠን ወብዕዳም መስኪሊን ወምረብዩን መዐስከር ሳዋ እግሎም ለትገብእ ኣጃንደት ሰሚናር ቅዱም ዐላ፡ ከእግል ዮም እት ሄራር ሳዋ ከም መርከዝ ዕልም ኣካዳሚ ወዕሉም ዐስከርየት፡ ከምሰልሁመ ሐዘት ሳዋ እት ዐማር ወጠን ለክሰሰ ጽቡባላ ኣጃንደት 1ይ ክፋሉ እግል ንቀድም እኩም ቱ፡ መታብዐት በኪተት።

ሸዑብ ኤረትሮፕ ሐቆላ ክቡድ ወእሰትሽሃድ ብዘሕ ለጠልበ መሪር ንዓል ስለሕ 30 ሰነት፡ እግል ሕዩል እስትዕማር እት ሸዑብ ወድወ ለዐለው ናይ ጨቅዎ ወዐዛብ ወክድ ስዱድ እንዴ ወርኩ፡ ልትሐለመ ለዐለ ሕር ወሰደደተ ለትመልክ ደውለቱ ረክቤ።

ሐቆ ሕርየት፡ ሕኩመት ኤረትሮፕ፡ ለክእልልት ተጅርበት ዐስከርየት ወግዳት ፈራሰት ወመትሰባል መናድል፡ ዲብለ ጂል መሰትቅበል እግል ተዐዴ እንዴ ሰተተት፡ እግል ሕርየት ለትሰለመ ጂል ሸባብ፡ እት ብንዩት ወጠን ወዐቂብ ሰላም ወአምን ዐዱ ደሩ ለቀድም ዲበ ኣርደት ፋይሐት ክልቀት እሉ። ለኩሉ ልትጸበረ ዐለ ኤረትሮፕይት ርእየት እግል ትትረከብ፡ ኣህዳፍ ዋዴሕ እንዴ ኣፍገረት፡ ሸባብ ዋጅባተ ወሕቁቅ እንዴ ኣመረት ጀላብ ተጠውር ወጠን እግል ትሸቁ፡ ሕኩመት ኤረትሮፕ ዲብ ዮም 20 ኖቨምበር 1991፡ እብ ዕልብ 11/1991፡ ለልትኣመር ታሪካይ ኣዋጅ ክድመት ወጠን ኣፍገረት።

እብ ዓመት፡ ኩሉ ኣዋጅት ምስል ወቅት ወለልትራኤ ተዩልል ኣትሳናይ እት ገብእ ዲቡ እት ሸቅል እብ ፍዕል ለልውዕል እብን ኣሳሰ ናይ ኣህዳፍ ቱ። ኤረትሮፕይ ኣዋጅ ክድመት ወጠን ህዩ፡ ክልኤ ኢነት ኣትሓደሰ ገብኦ ዲቡ። እት ኣክር ህዩ፡ 39 ማደት እንዴ ጸብጠ፡ ኣዋጅ ዕልብ 82/1995 እንዴ ትበህሉ፡ እሊ ሸክል ኣዜ እንዴ ጸብጠ እት ፍዕል ወዕለ፡ ኣዋጅ ክድመት ወጠን፡ ዋጅባት ወሕቁቅ መዋዕኒን ለክምከም ኣዋጅ

እንዴ ገብኦ፡ እብ ኣሳሰ ኣዋጅ ክድመት ወጠን ለትሸምሎም ሸባብ ውላድ ወአዋልድ ተድራብ ዐስከሪ እንዴ ነስኣው፡ ሕኩመት እት ትወዝዮም ዲበ ኣካን፡ እግል 18 ወሬሕ ክድመት እግል ለሀቦ ዋጅብ እቶም ክም ቱ ለውዴሕ ቱ።

ኣህዳፍ ክድመት ወጠን እት መደት ሕርየት፡ ሕኩመት ኤረትሮፕ፡ ኣትሐዘዮት ክድመት ወጠን ሰበት ደሌት ወአሌሌት፡ ሐቆ ድቁብ ወወክድ ለነስኣ ኣትሳናይ፡ ለረሰሚ ኣዋጅ ክድመት ወጠን ዐለነት። ለመትኩብታይ እማነት ላቲ ሻብ ኤረትሮፕ፡ ለቃተናይ ዋጅብ ወሕቁቅ እንዴ ፈሀመ፡ ህዮብ ሸሀዳሁ ላቲ ወጠኑ ሐዳሰ እግል ልብኔ ወለኣድምን፡ ምን ኣህዳፍ ክድመት ወጠን (ማደት 5) እት መዓል እግል ትውዕል፡ ኣሌፍ እንዴ ትቤ ለትበገሰት ንጋረት ዐማር ተ ለዐለት።

- ሕር ወሰደደተ ለትመልክ ዱለት እግል ኣድመኖት፡ ትርድት ቅውት መዳፍዐት (ቅውት በሐር፡ ምድር ወጀው) እግል ቱቂም

- ሸዑብ ኤረትሮፕ እት ኣለፈዮን 30 ሰነት ንዓሉ፡ ለኣረዮን ዐላይም በታካት፡ ሰባት ወፈራሰት፡ እንዴ ዐቅብ እት ኣጅያሉ እግል ለዐዴ

- ፍቲ ሸቅል ወእንድባዎ ለቡ ወእግል ብንዩት ወጠን ወክድመተ ዱሉይ ላቲ ሸባብ እግል ብንዩት

- እት ኣደቃብ ወጠውርት እቅትሳድ ወጠን፡ ዓማት ነሐር ኣዳም እግል ተህሌ፡ እግል ጠውርት መቅደረት ምህነት ወብንዩት ገርብ፡ እት መራክዝ ተድራብ ንዘም ወትሉሉይ ተድራብ ዐስከሪ እብ ዋድሐት መሻረከት ወፍዕል እግል ልትህዮብ።

- ሸዑር ጣይፍየት እንዴ ወርኪኩ ውሕደት ወጠን እግል ትደቀብ (ትጠውር)፡ ዋጅባት ወሕቁቅ ክድመት ወጠን ኤረትሮፕ ኣትመዋት

ዋጅባት ክድመት ወጠን እት ሐን ኣዋጅ ክድመት ወጠን ዕልብ 82/1995፡ ማደት 6፡ ለገብኦ ኤርትራ መዋዕን ምን 18-50 ሰነት ለዕምሩ፡ ክድመት ወጠን ናይ ኣትመዋት ዋጅብ ቡ።

ከሕኩመት ኤረትሮፕ፡ ክድመት ወጠን እት ሳብት ወክዘት ኣጅናሰ ክድመት እንዴ ካፈለት፡ ክል መዋዕን



ሳዋ እት መደት ዕሸብ



ዋጅብ ወጠኑ ክም ለኣተምም እብ ኣዋጅ እንዴ ረሰመት እት ፍዕል ኣውዕልቱ ህሌት። እት ሐን ኣሳሰ ማዳት ክድመት፡ እብ ተርቲብ እት ማዳት ርትብቱ ህሌት።

ላዘመት ክድመት ወጠን፡ ክል መዋዕን ኤርትራ፡ ምን 18-40 ሰነት ለዕምሩ፡ እብ ኣሳሰ ማዳት 8 ወግ፡ ላዘመት ክድመት ወጠን ናይ ኣትመዋት ዋጅባት ለዘመ። ሳብተት ክድመት ወጠን፡ 6 ወሬሕ ዋጅብ ተድራብ ዐስከሪ፡ እት

መደት ሕርየት፡ ለሕርየት፡ ምን ኣምጽኣተ ዐቂብ ክም ልትደቀብ ሰበት ተኣክደት፡ ምን ፈጅር ሕርየት ልሰዕ ጨበለ እንዴ ኢትናግፍ፡ ወርዘቅ እንዴ ኢትመልክ እት ረሐ እንዴ ደምነት፡ በርናምጅ ክድመት ወጠን ኣወጀት።

በርናምጅ ክድመት ወጠን ኣሳሰ ብንዩት ወጠን ሰበት ቱ፡ ናይ ኣውለውያት ሰልፋይ በርናምጅ ሰበት ዐላ፡ ናይለ ወቅት ለህይ ናይ ደሉ ሕኩመት ኤረትሮፕ ሐ'በት

እንዴ ኣዳለው፡ ኩሉ በሊሰ ክም ረክብ ወደወ።

ቅድረት ኣዳም መደርበት

ናይ ሰውራት ተጅርበት ለዐለት እሉም ኣንፋር ህይኣት ተድራብ ጀብህት ሸዑብ ወመስኪሊን ተድራብ እት ኮራት ወዲብ ዴሽ ሐርብ ውዘዳም ለዐለው ኣንፋር ህይኣት ተድራብ ለዐለው ኩሉም ክም መጠግሰት ልትነስኣ እት ህለው፡ እለ ቅውት እላመ ካፍየት ሰበት ይዐለት፡ ምን ለትፈናተ ውሕዳት ዴሽ እንዴ ነስኣከ ወእንዴ ኣድረሰኩ፡ እግል መትብሳይት ቅውት ክም ትትረሸድ እንዴ ገብኦ፡ ኩሉ ሕበር ትጀመዐት። ምስሉም ናይ ዴሽ ኣቶብዩ ድባዎ ወደያሽ ለዐለው ኤረትሮፕ ሰብ ምራድመ እትሊ በርናምጅ ክም ለኣቱ እንዴ ገኣው፡ እግል ኣንበቶት ለትኣተቅድር ሐሊት ትክእለለት።

ለቅውት ኣዳም፡ ብዘሐህ ሌጠ ካሬ ሰበት ይዐለ፡ እግል ኩሉ ለቅድራት እብ ኣሮ ወተር እግል ክዋቱ ጀላብ እግል ልትቀደር ህዩ፡ ምርትክ እብ ደረጃቱ ናይ መደርሲን ወመደርቢን ኮርሳት ናይ ኣትሐዳሰ እንዴ ሀብኩ ክም ልትዳሌ ገብኦ።

ናይ ሕሳብ ገበይ ናይለ ዱሉይ ለዐለ ዐደድ መትደርበት፡ እብ ወግም 2,500 መትደርበት እግል ልጽበዋ ለዐለ እሉ እት ገብኦ፡ እብ ኣሸፈቅት ህዩ ኣስክ 5000 መትደርበት እግል ልደርቦ ክም ቀድሮም ጊሙም ዐላ። ምናተ፡ እት ሰልፋይት መዋጅህት ኣንፋርላ መዐስከር ምስል ሓይሰ ርኢሰ ኢሰያሱ፡ ክል ዶል እት ባልሐት መሓግዝ ናይ ሚዳን ሰበት ለኣተርግዜ፡ “5000 ነፈር እግል ትደርቦ ትቀድሮ ሐቆመ ገብኣኩም፡ ዐስር ኣልፍ እግል ትደርቦም ምሸክለት ኣለብኩም” እት ልብል ካቲመት ሰበት ሀብዮም፡ ለመትጀምዐት እት ሚርሐቶም ደምነት ሰበት ወደው፡ እብ ፈርሐት ትክብተዉ ከትበገሰው። “ለኢልትቀደር መስል ለዐለ ተዩልል፡ ክም ልትቀደር እንዴ ኣመንክ ትበገሰክ ምን ገብኦ፡ ክም ልትቀደር እግል ቱደዩ ሰበት ልትቀደር ህዩ፡ እብሊ ሸዑር እሊ ለትበገሰ በርናምጅ ቱ፡ እት ፍዕል ለተርጀመ።



ኣንፋር 1ይት ደውረት እት ተድራብ

መርከዝ ተድራብ ክድመት ወጠን፡ ተእሂል እግል ልንሰእ ላዘም ቱ (ለናይ ዐስከርየት ወቅት ተድራብ፡ ካልኣይት ደረጃት መድረሰት ዋርሳይ ይክኣሉ ሐቆ ትከሰተት፡ እት ሰለሰ ወሬሕ ነቅሰ)። 12 ወሬሕ ኣው ሐል ለገብኦ ወክድ ህዩ እት ክድመት ወጠን ዐስከርየት ወውራታት ዐማር ወጠን ሻርኩ። እብሊ ህዩ፡ እት ቅውት ዐስከርየት እንዴ ትወዘዐ፡ እግል 18 ወሬሕ ሸቁ። ሕኩመት ኤረትሮፕ፡ ላዘመት ወክዝን ክድመት ወጠን እንዴ ትቤ እት ክልኤ ዲብ ካፍሉ፡ ዋጅባት ወሕቁቅ ኣሳሰ ለውዴ በርናምጅ፡ እብ ኣዋጅ ክም ወደሐቱ፡ በርናምጅ ተእሂል ክድመት ወጠን ኣሌፍ እንዴ ቤለ ኣንበተ።

ኣንበተት ክድመት ወጠን (ተክዊን መዐስከር)

ጀብህት ሸዑብየት፡ እብ መጀብ ርእየት፡ ኣክደት ሕርየት ሌጠ እንዴ ኢትገብኦ፡ ደማን ኣተላላይ ሕርየት ወሰደደተ ኤረትሮፕ ኣክደትመ ምን

ምን ማል እንዴ ኢትመልክ፡ እግል መናድሊናመ ሰላዲ ጂብ እት ኢትረክብ እት መደት ቱ፡ እብ እት ሰውራት ለጠውረቱ ዓዳት፡ “በሰ ልትቀደር!” እግል ኢልትቀደር መስል ለዐለ በርናምጅ ክድመት ወጠን ልትቀደር እንዴ ትቤ ለኣትበገሰቱ።


ሰበት እሊ፡ እሊ ተሌ ሰኣላት በሊሰ እግል ልርከብ ዐለ እሊ፡

- እተዩ፡ እብ እሰው ብንዩት ትሕትየት ወለዕልየት


- ሚ ጅንሰ ተእሂል ወእብ እሰው ደረጃት (standard)

- ምን ኣዩ ለመጽእ ኣላት ምህሮ እቡ ህዩ፡ መናበረት ወብዕድ ለክሰሰ ጋራት ብዘሕ፡

እግል እሊ ሰኣላት ወብዕድ እሉ ሸብህ ቅደይ በሊሰ እግል ትርከብ፡ እት ደረቦት ዴሽ ተጅርበት ወቅድረት ሶም ለትበህለው መስኪሊን ናይ ህይኣት ዐመልያት ተድራብ ምስል እንዴ ትጀመዐው፡ ሰኔ ረቂቅ ወፍሱር ኤታን ፈዳልየት



መትኣሳሰ መዐስከር ሳዋ



አስመራ ቤራ፣ በሐር-ቀየሕ ወአልተሕሪር ደረጃቶም ሐጠጠው



ሻምፕዮን ውቁል ፍረቅ ዲጂዥቱን 'ኤ' ኮበሪት እግር አቅሊም ምግብ፣ ለሐልፊት ከሚሰጡ 25 ጃላይ እት ስታድዮም አስመራ እብ ሰለሰ ትልህያታት ትሉሉይ አምሰ።

እሰልፍ ለተልሀው ፍረቅ ለዲብ ደረጃት ተላቲት ለሀለው ጎዳይፍ ወመአሰሰት ሰምበል ዐለው። መአሰሰት ሰምበል፣ እት 15ይት ደቂቀት እብ መተልህያቶም ሴም መብረህቱ ለአተፍ እሎም ጎል 1-0 እግል ዕርፍ እብ ሚርሐት ፈግረው።

ለሐልፊት ሳምን እግል አስመራ ቤራ ለቀልበ ፈሪቅ ጎዳይፍ ህይ፣ እተ ሰልፋያት ደቃይቅ ካልኣይ ሾት እበ ለሐሰ መተልህያይ ናይ እል ጅግረ ለትሰመ ገዳም አኻሊሉ ጎል ሰበት ረክበው። 1-1 ትልህየ ተ'መት። ወእብሊ ፈሪቅ ሰምበል ሰማን ንቅጠት እክእሉል ሀለ። ጎዳይፍ ህይ፣ 12 ንቅጠት እንዴ ሐየበ ደርብ ፈሪቅ አዳሊስ 7ይ ተርቲብ ጸብዋ ሀለ።

ትልህየ ፍረቅ ገዛ ባንዳ ወአልተሕሪር ደርቦም ለገብአት

ዐለት። ምን አስመራ ቤራ እብ ሐቲ ንቅጠት እንዴ ደንገረ ራብዓይ ደረጃት ጸብዋ ለሀለ ፈሪቅ አልተሕሪር። ፈሪቅ ገዛ ባንዳ እት ወርጠት ካረዩ። እት 82ይት ደቂቀት ለሰጀለዩ ጎል ላኪን። እግል ካልኣይት ዶሉ ለፈሪቅ ምን አብደዮት ንቀዋ እንገፋ ሀለ። ጎል አልተሕሪር ለአተ ለሐሰ መተልህያይ ናይላ ምሴት ለነሰአ ዮናታን ተከሰቲ ቲ።

አስመራ ቤራ ወመአሰሰት ሰገን'መ ነፍሰ ለምሴት ትልህያቶም ተም። ለሐልፊት ትልህያቶ እብ ፈሪቅ ጎዳይፍ ለትቀለበ አስመራ ቤራ፣ ግራሁ ለሀለ ፈሪቅ አልተሕሪር እንዴ ቀልበ ንቃጡ እት 32 ንቅጠት ክም ወቀለዩ እንዴ ዐፈዮም ቲ ሚዳን ለትክረ። እት 13ይት ደቂቀት ዳንኤል መሓሪ እበ ሰጀለዩ እሎም ጎል ምን ጸብዋሎም ሚርሐት ጸብዋሎም። እት ቅፋላት ዕርፍ'መ መተልህያቶም ሳይር ዮሜ እብ ረአሱ ለሸወዋየ ኩረት ጎል ሰበት አቲት። 2-0 እግል ዕርፍ ፈግረው።

እት 2ይ ሾት፣ አግዋል ምን ወሰኮት ለኢትከረዐ ፈሪቅ አስመራ ቤራ፣ ደርብ አድሕድ እት 52ይት ደቂቀት እብ አበል ወልደዬሱሴ እት 58ይት ወ62ይት ደቃይቅመ መተልህያቶም ሳይሞን ሀይሌ እበ አተዮም ክልኣት ጎል፣ ትልህየ ዲብ 5-0 ዐርገት ከቀልበው። ንቃጡ ዲብ 33 ንቅጠት ለወቀለ ቤራ፣ ናይ 3ይት ደረጃቲ ሕጡጠ ሀለ። መተልህያቶም ሳይር ዮሜ ህይ ናይላ ትልህየ ለሐሰ መተልህያይ ትሰመ።

እሊ ጅግራታት፣ እተ ሐልፊ ሰነብትመ ደንደን ምሰል አዳሊስ ወበሐር ቀየሕ ምሰል ማይ-ተመናይ እበ ሐቅ አድህር ለወደወ ጅግራታት ትሉሉይ ዐለ።

እት 7ይት ደረጃት ለዐለ ፈሪቅ አዳሊስ ንቃጡ እግል ልወቅል፣ ወደንደን ደረጃቲ ዲበ እግል ኢልትመጸእ ትልህየ ግርም አርአው። ሰበት እሊ፣ አዳሊስ እግል ደንደን 1-0 እንዴ ቀልበ ተወወተ ከንቀጡ ዲብ 17 እንዴ ወቀለ፣ ተርቲብ-መ ዲብ 6ይት ደረጃት ዐ-ፋጉ ሀለ። ደንደን 34 ንቅጠት ሰበት ቡ፣ እትሊ ጅግራታት 2ይት ደረጃት እተ ሻንን ሀለ።

ሰንበት ዐባይ፣ ፈሪቅ በሐር ቀየሕ ምሰል ማይ ተመናይ ተልህ። ማይ ተመናይመ እግል ሀርመ እሊ ጅግረ እግል ሰፍታት ብዙሕ ወአስክ እዚ ለሀለ ፈሪቅ ኮበሪት እግር በሐር ቀየሕ እግል ለአጅግሐ ቅፋብ ምንመ ዐለ። እብ ከም ሓይል-ማይል 1-0 በሐር ቀየሕ ተወወተ ወንቀጡ እት 43 ውቁሉ ሀለ። ሕሳል ናይላ ጅግራታት ህይ አስክ እሊ ፈሪቅ በሐር ቀየሕ ዋልዩ ሀለ።

ወጠንያይ ጅግራታት ሾሊቦል ግራሰ ሩት ተ'መ

“ግራሰ ሩት፣ አሳሰ ኩረት ሾሊቦል” እበ ትብል ቲማ እት አስመራ - ሚዳን ቦቻፊላ ገብእ ለአሰማን ወጠንያይ ጅግራታት ምተሐት 16 ሰነት ፅምር፣ ለሐልፊት ጅምሪትመ ትሉሉይ ዐለ።

እት ትልህየ ሾሊቦል አዋልድ፣ ፈሪቅ ግብለት በሐር ቀየሕ እግል ፈሪቅ ዐንሰበ 2-0፣ ወፈሪቅ ጋሽ-በርክ እግል ፈሪቅ ምግብ 2-1 ቀልበያህን። እብ ሐዲስ ለተልህየ ግብለት በሐር ቀየሕ ህይ፣ እብ አቅሊም ምግብ 2-0 ቀልበያህን። ፈሪቅ ዐንሰባመ፣ ምሰለ ሰለሰ ዶል እንዴ ኢልትቀለብ አስክ እሊ ለጸንሐ ፈሪቅ አቅሊም ግብለት እንዴ ትዋጅህይ፣ 2-0 ቀልበያህ።

እት ፍረቅ ውላድ ህይ፣ ፈሪቅ ሄልል ሰብተምበር (ናይ አቅሊም ምግብ) እግል ፈሪቅ ሾሊቦል ጋሽ-በርክ፣ ፈሪቅ ግብለት እግል ግብለት በሐር ቀየሕ እብ ሕድ ለሽብህ ንቀዋ 2-0 ቀልበምም። እምበል እሊመ ፈሪቅ ደምቤ-ሰምበል ናይ አቅሊም ምግብ እግል ፈሪቅ ጋሽ-በርክ 2-1 ቀለብም ዲብ ሀለው። ፈሪቅ ዐንሰበ እግል ተንጃሁ ፈሪቅ ግብለት በሐር ቀየሕ 2-0 ቀልበው።

ትልህያታት ግራሰ ሩት ሰንበት-ንኢሽ ዲብ ተምም፣ እብ አዋልድ አቅሊም ጋሽ-በርክ ወእብ ውላድ ህይ አቅሊም ምግብ ሓይሳም ሰነኖም እንዴ ገብአው፣ ሀረሚት እሊ ከረም እት ጅግራታት ሸክል ('ግራሰ-ሩት') ጋብኣም ሀለው።



ምን ፍረቅ ግራሰ-ሩት አዋልድ

ከበር ጅግራታት አሊምፒክስ ፓሪስ 2024



ሸዓር አሊምፒክስ ፓሪስ

33ይ ጅግራታት አሊምፒክስ ከረም 2024፣ ዮም ዓመት እት ዓሰመት ፈረንሳ መዲንት ፓሪስ እት ዮም 26 ጃላይ አንበተ። እሊ ዲብ 16 መያዲን ገብእ ለሀለ ለትፈናተ አጅናስ ርያደት ለከምክም ጅግራታት፣ 329 ትልህየ እት 32 መጃል ርያደት ሕዳር ሀለ።

ፓሪስ ወሎ-አንጀለሰ እሊ ምን ክል አርበዕ ሰነት ለገብእ ጅግራታት

አሊምፒክ እግል ልትሐደረ እብ እድንያይት ልጅነት አሊምፒክስ ለትሐረዩ ምንመ ዐለዩ፣ ፓሪስ እበ ወዳቲ መዳሊት ናይ ዮም ዓመት ጅግራታት አሊምፒክስ ዲበ እግል ልግበእ ተሐረ።

ምሰል ፓሪስ ወሎ-አንጀለሰመ፣ ሃምበርግ፣ ቦስተን፣ ቡዳፔስት ወርማ፣ ጅግራታት አሊምፒክስ - 2024 እግል ልትሐደረ ሕዳያት ለዐለ መዳይን ተን።

ሰበት እሊ፣ ፓሪስ ሐቅ ናይ 1900 ወ1924 ሕድርኖተ እግል ጅግራታት አሊምፒክስ ዮም ዓመት ሳልሰ ዶላ ትትሐደር ህሉት። ምሰል ለንደን (ህታመ ሰለሰ ኢነት) ህይ ሱዊት ህሉት። ለንደን ናይ 1908፣ 1948 ወ2012 ጅግራታት አሊምፒክስ ለትሐደረት አርባይት ደውለት ትገብእ።

ሐቅ ፓሪስ 2024 ጅግራታት አሊምፒክስ፣ ሰነት 2028 እት ሎስአንጀለሰ እግል ልግበእመ እድንያይት ልጅነት አሊምፒክስ ቅርርት ህሉት።

እት ሰነት 2020 እግል ልግበእ ሕሱብ ለዐለ ጅግራታት አሊምፒክስ፣ እብ ሰብብ ኮቪድ-19፣ እት ሰነት 2021 ዲብ በይጃንግ ክም ገብእ ለልትዘከር ቲ። ሰበት እሊ፣ ለክል አርበዕ ሰነት ገብእ ጅግራታት አሊምፒክስ እተ እምር ሰብረት ወቅቲ እቅቡል ሀለ።

ሕኩመት ፈረንሳ፣ እሊ ናይ ዮም ዓመት ጅግራታት አሊምፒክስ ለትትሐደር እብ፣ ናይ ሴዕ ቢልዮን ዩሮ ማልዮት እፍግርት ህሉት።

እትሊ አሊምብዮት ፓሪስ -

2024፣ ኩሉ ጅንሰ አትሌቲክስ፣ ተንሺን፣ ሕማሴ፣ ሕማሴ ማራቶን፣ ኩረት ማይ (water polo)፣ ፍትን ሕማሴ፣ ባድሚንቶን፣ በይዘዐል (3x3)፣ ብድረ ጅላብ ዕጩይ ወሸረዕ፣ ኮበሪት ሾሊቦል፣ ሰ'ለት ወእግር፣ ቡንያት፣ ሰዐይ እብ ኩሉ መሳፋቲ፣ ብድረ ዐጀላት ወብዕድ ለሸምል እት ገብእ፣ ኤረትርዮ እብ 11 መትባድረት እት ሰዐይ፣ ዐጀላት ወሕማሴ ትሻርክ ህሉት።


ጅግራታት አሊምፒክስ ፓሪስ 2024፣ እት ዮም 11 አጎሰት እግል ለአክትም ክምሰል ቲ እመር ሀለ።





አግል ሕጻናት ለሕይወት ለሌሎች ገብአ

እብ ባሕሪን ጃምዐት ኦሪጎንን አሚሪካ እት ሕጻናት እብ ለገብአ ጀርቤ ብሐሱ፡ 79% ምን ጀኔቲካይ አርትዖት ለገብአ እሎም ሕጻናት ናይ ግንሐት ወሰን በክት ክም ረክበው ተሐበረ።



እሊ ጀርቤ 'ክሪሰፕር' እብ ለልትብህል ጀኔቲካይ አርትዖት ለወዳ ቱ ለገብአ። ለትረከቡት ነቲጀት ህዩ ጀኔቲካይ አርትዖት፡ እግለ እምባል ናይ በረ መሻክል ለናይ ቀበት ዕን 'ረቲ' እት ዕምር ንእሽ ለመጽእ 'ለበር ኮንጅኒታል አማውሮሲስ' ለልትብህል ለልትወራረስ ናይ ግንሐት መሻክል አው ህዩ ዐወር እግል ልሳራ ብቁዕ ክምቱ ተአከደ።

እሊ እብ መትወራራስ ለመጽእ ናይ ግንሐት መሻክል

አሰክ እል ስራይ ለኢትረከብ እሉ እትገብእ እት አግሩዝ ብዙሕ መራት ለሳድፍ ክምቱ ተሐበረ። እሊ ጀርቤ እሊ ዲብ 14 ገሌ ክፋል ናይ ግንሐት መሻክል ለም ወክሉ ረአሱ ዕንታቶም ለሦረ ለከምከማቱ ለዐለ። ምን ለሻረከው ለ79ምእታይት ህዩ ናይ ግንሐት መቅደራቶም ክም ሐሰት፡ እብ ፈድል እሊ ህዩ

መናበራቶም እግል ለአሰክ ክም ቀድረው ለባሕሪን ሸርሐው። እተ መሻርከት ለገብአ ጀኔቲካይ አርትዖት፡ እግለ ለልትሳረው እብ ካምል ምን ዐወር እግል ለአሳሩ ምንመ ኢለአቀድር፡ ዲብ አግቡይ ሳረዮት ናይለ እብ ለትፈናተ አሰባብ ለመጽእ ዐወር ዕንታት ላቱ ተቅዩር አሳሲ ክምቱ ለባሕሪን ወደሐው።

ሞሻት ጋዝ ምስል መሻክል አተንፈሶት ልትጸበጥ



እብ በሕሲን ጃምዐት ቦሰተን ዲብ ለገብአ ድራሳት ሞሻት ጋዝ ዲብ ለንትጎሳዕ እቱ ወክድ ምን እግል ትምጽእ ለትቀድር መደረት እግል ንድሐኑ ቤትን ሀዋእ ክም ለአቱ እተ ወድዮት ምህም ክምቱ ሐበረው።

ዲብ አሚሪካ እት ገብአ ድራሳት ዲብ አግሩዝ ምን ሳድፍ ሕማም ፋጽም/አዝመ፡ ለ13ምእታይት ምን ሞሻት ጋዝ እብ ፈግር ሀዋእ ክሱሕ ለመጽእ ክምቱ እግል ልትፈረግ ቃድር ህለ። ቀደም 50 ሰነትመ ሞሻት ጋዝ ዲብ ዓፍዮት አዳም መደረት ተአመጽእ ክም ዐለት ዲብ ለትፈናተ ወክድ ዲብ ልትሐበር ጸንሐቱ።

እትሊ ናይ አዜ ድራሳት ዲብ ፍንጌ ምን ሞሻት ጋዝ ለፈግር ናይትሮጅን ዳይኦክሳይድ

ምስል ለትፈናተ መሻክል ንዝም አተንፈሶት ዕላቀት ክም ህሌት እሉ እግል ልፈርጎ ቃድራም ህለው። ህቶም ሞሻት ጋዝ እምባል ናይትሮጅን ዳይኦክሳይድ ሕድት ቅደስ ባንዝል ሕማም ሰረጣን እግል ልሰብብ ለቀድር ክም ህለ ሐበረው። ቀደም እል ሞሻት ጋዝ እብ ከሰሰ ለገብአ ድራሳት፡ ለጋዝ ልትወላዕ ወልቅሰን ገሌ ሐድ ቅደስ ሚተይን ጋዝ ክም ለአፈግር እሙር ጸንሐ።

ለምን ሞሻት ጋዝ ለፈግር ናይትሮጅን ዳይኦክሳይድ እት አዳም ለወድዮ መደረት እብ ርሕብ ወጭብ ናይለ ቤት እግል ልትፈናቱ ክም ቀድር እት ሸርሐ፡ ሸባቢክ አው ባብ ናይለ ንትጎሳዕ ምን ቤት ክሰተት እግል ምስል ወክድ እግል ትምጽእ ለትቀድር መደረት ዓፍዮት እግል ለአውሕደ

እብ ዕምር ለበበ ወለ አሬመ ጋላክሲ ትረከበ



በሕሲን ፈዳኔ አሰክ እል ምን ለትረከበ ጋላክሲታት እብ ዕምር ለበበ ወረደም ለህለ ጋላክሲ ክም ረክበው ሐበረው።

እሊ ርኩብ ለህለ ጋላክሲ፡ ምን አርድ 13.5 ቢልዮን ሰኖታት በርህት ራይም ለህለ እትገብእ G N -z13 ለትብል ናይ መፈረጊ ሰም ህይብቱ ህሌት። ዲብ ሰነት 2017 ምን አርድ 11 ቢልዮን ሰኖታት በርህት ረደም ለልትረከብ A 169B 11 ለትብል ናይ መፈረጊ ሰም ለትህዩቡቱ ሕምቢልላይ ጋላክሲ ለምን አርድ ለሬመ ወእብ ዕምር ለበበ ጋላክሲ ዲብ ልትብህል ጸንሐ። ምናተ ብዙሕ እንዴ ኢነሰእ እብ ቱለሰኮፕ ፈዳኔ 'ሃብል' ለትፈረጊ ምን አርድ 13.4 ቢልዮን ሰኖታት-በርህት ረደም ለህለ ጋላክሲ G N -z1 እግለ ቀደም እል ለትረከበ A 169B 11 መንበር ግድምናሁ እንዴ ነሰእ እብ ዕምር ለበበ ወለአሬመ ጋላክሲ እግል ልግበእ ቃድር ህለ።


ለሰብ መቅደረት ምን እሎም እብ ትሉሉይ ለትረከበው እብ ዕምር ለበበው ወለአሬመው ጋላክሲታት እንዴ ትበገሰው፡ ፈዳኔ እዳነ ሕዳድ ሰበት አለቡ፡ ምን አዜመ ወሐር ብዕድ ለአሬመ ወእብ ዕምር ለበበ ጋላክሲታት እግል ልርከቦ ለቀድርቡ እብነት ክም ህለ ሸርሐው።

ህቶም እንዴ አትለው ጋላክሲ G N -z13 ምን ጋላክሲታት ሚልክ ወይ (Milky Way galaxy) እብ ርሕብ ለናኸሽ ክምቱ ሐበረው። እሊ ናይ 1,600 ሰነት በርህት ሰግራት ክም መልክ ልትሸራሕ ለህለ ጋላክሲ፡ እትሊ ቅሩብ ወክድ እብ ሰበት መባትኩ ወጸብጡ ለህለ ንዝም እግል አመርት ድራሳት እግል ልግበእ ክምቱ ሐበረው።

9 ፍንቲት ስወር ሕዘው



ሳድስ ወሬር ክብ ካርቱን



እትሊ ወሬር ኣሉ ገገጥ
54,000 ምን ግጥት እት ገህሮ ዐካጎር
1,400 ገህሪን
10,000 ስትሕላግ ስትሕላግ ስትሕላግ ስትሕላግ
24 ስትሕላግ ስትሕላግ ስትሕላግ ስትሕላግ
28 ስትሕላግ ስትሕላግ ስትሕላግ ስትሕላግ ስትሕላግ
3 ስትሕላግ ስትሕላግ (2 ስትሕላግ 23 ስትሕላግ 21)
1 ስትሕላግ ስትሕላግ MI-24 ክስሊ